



36401

kat.komp.

I

Mag. St. Dr.

P

Kon.

Gregoriae Joh. Francisci. 1625.

*Teol. 3436.*

Biblioteka Jagiellońska



stdr0005671





36401

I

*X. g. 31.*









Annus  
I V B I L E I,

Quem  
Sancta mater Ecclesia Roma-  
na, fovet & retinet; Lutherana fugit  
ac persequitur.

In  
Fidelis Admonitionis, de religione Papistica  
fugienda, & Lutherana constanter retinenda,  
Doctorum Academiae Wittebergensis, gra-  
tiam conscriptus.

In Prima Parte, verum simulq; Orthodo-  
xeum sensum, de Indulgentiis, explicans.

In Secunda, breviter ea, quæ per varias &  
diversas, à Fidei Admonitione, Doctorum  
Wittebergensium in quinque Capitibus recensèn-  
tur, examinans.

Per P. Fr. JOANNEM PAULUM de Czarnkow,  
Sacrae Theol. Lectorem, Cœnobii SS. Apost. Petri & Pauli,  
Majoris Glogoviae, Sacri Ordinis Fratrum  
Prædicatorum, Priorem. 30. III. 123.  
ANNO DOMINI M.DC. XXV.

GLOGOVIA excusus à Joachimo Funcio Calcographo.



36.401  
J.





ILLUSTRI & MAGNIFICO  
DOMINO,

D. GEORGIO ab OPPERSDORFF,

Lib. Bar. in Aich & Fridstein,

Domino Superioris GLOGOVIAE & Polnisch-  
NEWKIRCH, &c.

SACRAE CAES. MAIEST. CONSILIARIO,  
CAMERARIO, Ducatus GLOGOV. CAPL-  
TANEO Primario.



Annū JVBILEI, eundemq; no-  
vum, Tibi ILLUSTRIS & MAGNI-  
FICE DOMINE, mitto: qui, etsi  
multorum variis insaniis, & calum-  
niis, saepe infestetur; nuperq;, per *Authores Fidelis*  
*Admonitionis*, *Doctores Wittebergens.* Diaboli impulsu,  
mirum in modum blasphemetur incolumis tamē,  
atq; inviolabilis, permanet; firmus, & immacu-  
latus stat: ceu ille, quem authoritas Sacrae Scri-  
pturae, Sacrorum Conciliorum, Decreta Sancta,  
Patres Sancti, potentissimè confirmant, & ab iis  
qui in pulverem sufflant, & in oculos suos terram  
excitant, immunem reddunt. Hunc igitur in



opusculum veritatis congestum, tibi ILLUSTRIS  
& MAGNIFICE DOMINE, qui semper fidei;  
Religionis, & Patriæ fidus es, do & consecro.  
Tibi, quem sancta Fides Catholica, educavit,  
ac nutrit, quem indefessum sui defensorem ha-  
bere gaudet, pro cuius tutela non Tibi novum  
fugare hostes, reportare victorias, & triumphos  
promereri, offero, & dedico: ut Tuæ ILLUSTR.  
& MAGN. DOM. nomine illustratus, hæretico-  
rum calumnias facilè vincat, eorumq; tenebras  
plenissimè discutiat, & à te susceptus, atq; defen-  
sus, neq; perhorrescat adversarios, neq; timeat  
invidos, neq; metuat malevolos: quin potius,  
tutus eat ad omnes gentes, à quibus ignorantiae  
& erroris tenebras, nebulasq; repellat, quas sub-  
dola *Fidelis Admonitio* in vera Fide Catholica, of-  
fundere voluit. Perge igitur CATHOLICIS-  
SIME DOMINE, & hoc fidei opusculum, pro  
tua innata bonitate, gremio excipias, atq; fo-  
veas: quatenus tuo favore ita alatur, & tuea-  
tur, ut perpetuum, & immortale fiat, Vale.  
Datum in Conventu SS. Apostolorum Petri &  
Pauli Majoris Glogoviæ Ordinis Prædicatorum,  
Dic 25. Novembr. An. MDCXXV.

*Tua Illustr. D. affectissimus*

Fr. JOANNES PAULUS de CZARNKOW,  
S. T. Lector, Prior Glogovien.

Ad Le-



## Ad Lectorem.

**C**IRCUMFERTVR IN VARIIS,  
tùm Germania, tum Silesia locis, libellus (cui  
titulus Fidelis admonitio, de religione  
Papistica fugienda, & Lutherana con-  
stanter retinenda, ad Evangelicos in Bo-  
hemia, & alibi pressos, ex Christiana compassione scri-  
pta & publicata, per facultatis Theologicae Docto-  
res, & Professores, in Academia Wittebergenfi, &c.  
Anno D. MDCXXV.) in quo Orthodoxa fidei Catholica,  
graves errores, & aperta haereses, impinguntur; contem-  
ptusq; illius multa congerie sophismatum suadetur: idq; ea con-  
fidentia & verborum auctoritate, iisq; aculeis & oburgatio-  
nibus, ea Scriptura abusiva copia, ac si in apertos hostes, vera re-  
ligionis, (ex quibus hac admonitio est, scaturiginem omnis im-  
puritatis stillans) causa ageretur. Revolvitur hac admoni-  
tio per manus multorum, tum apertè, tum occultè, & à mul-  
tis iis precipue apud quos domestica factionum dominatio vi-  
get, aestimatur: à quibusdam etiam describitur; non adverten-  
tes illud deceptionis perspicuum argumentum, quod qui falsè  
persuadere velit, majori quodam ornatu indiget, unde delini-  
mentis utatur, & quibus desipientes pelliciat. Non mirum.  
Fraus enim in parvis fidem sibi praestruit, ut cum opera pre-  
tium sit, cum mercede magna fallat. Venit etiam ad manus  
meas haccadem Admonitio, sed in ea profectò, Mancipe-



ram; & claudi manticam, reperit: & diligentius pensitando, eandem Octipedem excitare, & Leonem radere per-  
spexi. Gravia sunt ista & minimè dissimulanda.

Quare ut plerumque, falsò per versutiam, & fallacem  
rationem nocendi, Sancta matri Ecclesia Romana, ac fidei im-  
posita, detegantur; & ne qui admonitionem illam legerint, vel  
lecturi sint, in talibus erroribus hereant, ne vilia sectentur tan-  
quam preciosa, aut preciosa tanquam vilia rejiciant, ne vitupe-  
rent laudanda, neve laudent vituperanda, ne satam, sanam,  
& integram, fidem Catholicam fugiant, & Lutheranam ad-  
versantem Spiritui Sancto, cum rabida ac vecordi audacia se-  
rie retineant: visum omninò est, non quidem ad singula con-  
tenta singulariter respondere; cum & indigna sint responsione,  
ut inferius ostendam, & me illud non lateat, quod dicitur: Si  
vindicare vis, sile, & funestam inimico dedisti plagam, & sic  
mibi gloriosius videtur, injuriam tacendo fugere, quàm  
respondendo superare, illa tamen explanata relinquere, pro-  
pter quæ, pax Ecclesia, atque fidei unitas, dolendum in mo-  
dum, cum certa plurimorum Christianorum pernicie, primò  
divulsa, atque interturbata fuit. Satis enim mihi turpe  
videtur, satis ab officio Catholici alienum, vigilante Juda,  
in re tanti momenti, dormire. Petram, & undique grassanti-  
bus lupis, pastorem sui gregis curam abjicere, ac hujus se-  
culi, imò tenebrarum filios, in sua generatione ma-  
gis, quàm in CHRISTI regno lucis filios sapere, & pruden-  
tiores esse.

Controversiam igitur contra Fidelem Admonitionem,  
quæ Sanctas Indulgentias suo extremo malo blasphemat,  
oppugnat, & persequitur, scribere multis causis sum addu-  
ctum. In primis quidem, quæ commune bonum, communi con-  
silio.



filio, studio, & opera, bona fide omnes tueri, defendere, & con-  
servare debemus: si enim boni filii, thesaurum morte majorum  
relictum custodiunt, & Catholici profectò, sed præcipuè sacer-  
dotes cœlestem Theaurum Indulgentiarum, in Ecclesia depo-  
situm, traditum, & relictum, magno studio, & labore, custo-  
dire & conservare debent, qui deinceps ab Apostolica potestati  
throne, ad animarum salutem, per Ecclesiam effundendus  
manet: & hisce temporibus, cum ardore, & amore vehementi  
expellatur. Præterea, novi me esse in numero ipsorum, qui  
oratione Sanctæ matris Ecclesiæ Catholiçæ, opus habent, qua-  
propter Indulgentiam meditor, Indulgentiam sicut milvus  
pluviam desidero, & sicut cervus fontes aquarum sitio.

Quocirca ut possim, cum pœnitentibus particeps esse  
Indulgentiarum, controversiam de Indulgentiis, methodo  
Scholastica, stylo communi scripsi; quâ de alto cadens, gran-  
dem sonum faciens, offensiva, licet nominaliter Fidelis Admo-  
nitio redarguatur: & tanquam idolotita, ac in lege prohibi-  
ta caro, ceu Tricæ Apinæ, vel nebula in pariete, contem-  
natur.

## Intentio Fidelis Admo- nitionis.

Fidelis Admonitionis futurum monumentum erit, se-  
cundum paratum & impositum, sibi nomen. O quam subli-  
me nomen Admonitio & quidem fidelis! Verum non sat-  
tuum officium te fecisse, si non id fama approbat. Nomina  
sumuntur, aut à coloribus, ut Rufi à Rufo, Albini ab Albò,  
aut à membrorum singulari affectione, ut Simon à simis na-  
ribus, Buccones à buccarum amplitudine: aut ex virtuti-

*Bus, sicut Jason à mœdendo dictus; Sic Pisones, Fabij, Cicero-  
nes, & reliqui præstantissimi dicti sunt, ut juxta Platonem,  
nomina cum re consentiant. Et Admonitio unde? forsitan  
Fidelis dicitur ex singulari affectione erga Evangelicos in  
Bohemia & alibi pressos? O Laches, Laches! Ubi mor-  
tem obii eris, rursus eris tum Cerylus.*

*Verum, quid tacita verfas, licet ipsa fileas, licet ipsa  
neges, vultus loquitur, quodcunque negas: effare dubitas, cur  
faciem mutat color, quid verba quaris, cur adinstar Agatho-  
nicæ cantionis magis dolosa, quàm frugifera decantas? En,  
quomodo Fidelis Admonitio, numerat se per originem generatio-  
nis, & profapia, quia Admonitio & Fidelis. At ingenue  
fateor, quod Scorpium venenum in cauda gerit, & obliquè ferit,  
& argentum licet candidum, nigras tamen ducit lineas, &  
carbunculi ignis nomen & speciem habent, ignem tamen non  
sentiant, sic & tu Admonitio: fidelitatis opinionem, & ima-  
ginem obtinuisti, à re tamen exulatur, quare dicenda potius  
eras, Aurum subæratum, Mellitus gladius, Symia in  
purpura, Naves onustæ conviciis, intus Nero, foris  
Cato, cujus serpens pars prima, draco media, ipsa chy-  
mera. An non recte, quæ Galathecæ prædicas, & Theti-  
dem spiras? Saccarizas Admonitionem fidelitate, an non lu-  
pus tectus pelle ovina, per vocem cognoscitur?*

*Bel erat externe pulcherrimus undiq; & auro*

*Tectus: at intus erat nil nisi vile lutum.*

*O vita fallax? abditos sensus geris animisque pul-  
chram turbidis faciem induis.*

*Admonentur Evangelici pressi, per Doctores Witte-  
bergenfes. Alios admonere si quid errant nostis, errata at  
ipsi vestra non cognoscitis. Scitisne quod Sit facile? respon-  
det pro vobis Thales. Alterum admonere: verum (inquit)*  
*adum*



dum valemus tunc recta consilia agrotis damus. Et vos  
 quomodo valetis? in tantum, in quantum vestra Admonitio  
 vos valere permittit. Hypocrita, ejicite prius trabem de oculo  
 vestro: Cur induimini vestem, ex lana, linoq; contextam?  
 quomodo hac vestra Admonitio, imaginem admonitionis  
 habet, quæ ambitione, contumeliis, calumniis, garrulitate,  
 detractionibus, abundat? quomodo fidelis, quæ adulatio-  
 nis, blasphemiae, calliditate, fallaciis, hypocrisis, imposturis, ju-  
 dicio temerario, nugis, perfidiâ, seditione, simultate, gaudet?  
 quomodo Admonitio, cui nihil de malevolentia obrectatio-  
 nibus, furo, dolo, & discordiis, deest? quomodo Fidelis, ubi  
 perturbatio, ostentatio, morositas, perfidia, ineptia, & his si-  
 milia, buccarum amplitudine, decantantur. Rectè dixerim  
 an non, hanc Admonitionem superasse dolum Trojanum?  
 utiq; rectè, nam Altera scabit, altera facit manu. Altera  
 fert aquam, altera ignem. Altera lapidem, altera pa-  
 nem ostentat. An non potuistis hanc vestram maxiam aliter  
 explicare? An quia malus, bonum malum esse vult, ut sui sit  
 similis, in cælum expuere debetis? Talemne Admonitio-  
 nem atq; doctrinam commendat vobis D. Paulus in multis lo-  
 cis? Audire D. Augustinum: Dabit (inquit) divinarum scri-  
 pturarum Doctor fidei, ac debellator erroris, & bona  
 docere, & mala dedocere; & hoc opere & sermone,  
 conciliare adversos, remissos erigere, nescientibus, quid  
 expectare debeant, intimare. Et præterea, si vestra.  
 Admonitio fidelis, illa debet esse, cui merito fides adhiberi po-  
 test, siue, quæ nunquam fallat, ita D. Paulus. Quamobrem  
 etiam, veritatis nomine significatur: quomodo igitur hac Ad-  
 monitio ex Scripturis, petita, vestra, vobisq; consonabit? Ap-  
 paret vos non potuisse leonis exuvio, id quod desiderastis asse-  
 qui, vulpinum applicandum duxistis, quod honestè non pote-  
 stis.

August. de  
 doctrin.  
 Christiana

ad Tit. 1.  
 Joan. 17-

stis, id fraude efficiendum existimatis, dum adulterinam  
mercem, pro veris supponitis. An vos Nova hyrundo?  
O quam optimè scitis obtrudere palpum, & circumtondere  
comam.

Admonentur Evangelici de religione Papistica fugien-  
da. Aut tam infirmi sunt & vacillantes? Infirmi profectò, &  
suspitant ligati, non ferro alieno, sed mera ferrea voluntate,  
velle illorum tenet inimicus, & inde fines illis facit: ex per-  
versa enim voluntate illorum, facta est consuetudo, & dum  
consuetudini non resistitur, facta est necessitas, hic jam desinit  
esse remedio locus, ubi quæ fuerant vitia, mores fiunt: hac pelle  
induti Evangelici, non indigent admonitione: siquidem omnes  
fecerit illa, suesve, luposve, leones. Faxit tamen D E U S,  
illos hoc vitio non implicari, utinam cohibeant mentem, intra  
septum rationis, & intellectum intra gyrum vera fidei, quæ  
omnia contentionis cacumina explodit.

An tibi etiam est cura Catholicos admonere, de reli-  
gione Papistica fugienda? Prius locusta bovem pariet.  
Quare velim ut simulata removeas, non enim facile tibi est  
decipere Vlysses. Norunt isti doctrinam per malos, esse  
palmitem in sepe, botrum inter spinas, norunt cautè legere, ne  
quærentes fructum, lacerent manum, norunt docentes Scriptu-  
ras, quas non intelligunt, norunt fidem predicantes, & infi-  
deliter agentes, pacem aliis dantes, & sibi eam non habentes,  
veritatem laudantes, & seūdiligentes. Cave igitur Admo-  
nitio, ne cinerem vitans, in prunis incidas, calidum enim  
prandium comedisti. Enimvero, quod non bona intentio-  
ne facis, non tibi proderit: Vnde rectè de Authoribus Admo-  
nitionis dicetur, qui Bove venatur leporem, & Aratro  
jaculatur, & Sagena captat cervos, si non assequitur, non  
potest accusare fortunam, sed suam ipsius stultitiam.  
Prodisti



Prodisi cum hasta & scuto, cominus atque ciminus, cum omni certaminis genere, persuadendo fidem Lutheranam, dissuadendo Catholicam, & ignoras, quod, Camelus desiderans cornua, etiam aures perdidit. Eo quod hanc technam, in seipsum struxerit.

Admonentur de religione Lutherana constanter retinenda, scio constantiam esse perseverantiam in veritate, quæ vera, iusta, & necessaria, in officiis sue vocationis, in docendo, in moribus, in consiliis, in actionibus, in officiis, amicitie debitis, constanter seu aqualiter, perpetuò eligit, & dicit, & facit. Cognatæ virtutes sunt, confessio, fortitudo, & gravitas: objecta constantiæ sunt; omnes reliquæ virtutes, & inprimis veritas: exempla illustria sunt, omnes Propheta, Apostoli, & Martyres, qui confessionem veritatis, suæ vitæ, & omnibus humanis rebus, anteposuerunt: Hac ne constantiâ vestra religio Lutherana est digna? minime: cum sit extra fidem, aut si in fide, tunc illius formale deformatum, materiale depravatum, interior actus violatus, exterior exulatus. Et unde talis ruina? quia fides vulgi vestri, fortior est fide Ecclesiæ Catholice, quæ testante D. Augustino, ab ipsis fundatissimis Apostolorum sedibus, usque ad hodiernum diem, succedentium sibimet, & Episcoporum serie, & tot populorum consensione, confirmatur. Hac indicanda Catholico Lectori duximus, ut ab Apostolicis institutis, & à vera fide, nullo ulterius recedat excessu.

Recordetur, quod non sit ventilandum in omnem ventum, non eundem in omnem viam, firmiter standum in via Domini, & cavendum à Fideli Admonitione, quæ derelinquit vias rectas, & divertit in vias pravas. Quid enim præ se fert Admonitio, quæ maximè Lutherizat, & tam multa quam non sapiens, dogmatizat? quid itidem Lutherus homotrioboli

trioboli, vitiosa nuce non emendus, qui cum authoribus  
Fidelis Admonitionis infideliter fidelizat? Enimvero hac fide-  
litas non alia est, nisi executio astutiae, & machinatio ad eos  
fallendum, quos blandis verbis tollit in altum, ut fortius de-  
jiciat. Instrumento pacis, titulo fidelitatis, mortem irrogat,  
& quasi canis mendico auxiliatur, cum tamen.

Carullus.

Nec facta impia fallacium hominum coelicolis placent.

Fidelitate induitur, maximè tamen infidelis est, quia  
malus ubi se bonum simulat, tunc est pessimus. Namq; non o-  
mnes qui habent Cytharam, sunt Cytharadi.

Precor Deum venerans, ut haec omnia sint, absq; offen-  
sione eorum, qui aliter sentiunt. Innocentiam enim nostram  
defensum imus, falso imposita amolitur, sinistras adversario-  
rum de nostra religione suspiciones, & rumores, discussum, ve-  
ritatem inquisitum, nemo illius examen suae sententiae in-  
juriam interpretetur. Vale, & sequentia legere, ne pi-  
griteris.







## SYNOPSIS Tractan- dorum.



PRIMO, Ostendam quid *Fidelis Admonitio* de Indulgentiis sentiat.

SECUNDO, Controversiam principalem, & difficultates circa eandem petitas ex *Fideli Admonitione*, explicabo.

TERTIO, Defendendo sententiam nostram, adversam expugnabo.

QUARTO, Modica quædam argumenta solvam, & hæc in prima parte.

In decursu verò, obiter indicabo nonnulla, quæ per *actum* in eadem Admonitione continentur. Et hæc in secunda parte.

### Prima Pars.

Ex *Fideli Admonitione*, censura Indulgentiarum.

CAP. II. fol. 33.

*Qui ad Papatum deficit, &c. Tenetur idem non absq[ue] singulari conscientia carnisficia, recensere peccata singula, si ab iis absolvi velit. Indulgentias nihil valentes, carè emere.*

Eodem cap. f. 46. in Resp. ad Minorem.

*Distinguendum est inter fidem Romanam veterem, primorum Christianorum, & inter fidem Romanam novam, nostrorum Papistarum. Illam commendavit Paulus, sed amiserunt Papiste; hanc vero Apostolus nunquam comendavit, siquidem eam plane ignoravit. Isto enim tempore Missa, Purgatorium, Primatus Papa, Invocatio Sanctorum, Regula Monastica, INDULGENTIÆ, & similia dogmata prorsus fuerunt incognita.*

A

CAP.

*Quod remissa culpa maneat debitum luenda pena, quod reatus pena temporalis bonis operibus redimi, & pro illa satisfieri possit, vicissim adinventiones humane sunt, non revelationes divina, extra scripturas traduntur, non ex scripturis deducuntur.*

*Indulgentiarum frequens est distributio in Papatu, sed earum & nomen, & definitio, & usus, nullibi descriptus extat in sacris literis. Christus quidem abundantissime satisfecit pro peccatis nostris, sed quod sancti etiam plus prestent, & faciant, quam divinitus preceptum est, & ex illis superabundantibus satisfactionibus, thesaurus quidam indulgentiarum oriatur, mem signenta, & nova hominum dogmata sunt. Per fidem scimus applicari & imputari meritum CHRISTI, sed quod Papa potestatem habeat applicandi thesaurum satisfactionum, unde probabitur? Et si talis Pape competat potestas, cur non semper & universaliter cunctis fidelibus illum thesaurum applicat? Cur tam invidus, & malevolus filiorum suorum Pater est, ut non statim ex Purgatorio liberet afflictas animas, totiq; Ecclesia simul & semel thesaurum istum conferat, & universas singulasq; penas remittat? O misere cecos, qui istas adhuc credunt Nanas! Probetur remissa culpa manere debitum luenda pena, probetur pro illis penas fideles posse satisfacere, probetur Sanctos plus facere, quam meruerunt peccata propria. Probetur in Ecclesia dari talem thesaurum satisfactionum superabundantium. Probetur Papam illum thesaurum posse applicare, & tandem probetur istam applicationem fieri per bullas Indulgentiales.*

*Uterius, uti regna mundi ad se trahere, iam ex illis variis opes conquire, & paulatim ista expilare (supple Pontifex) novit, per lucrosa dogmata de Purgatorio, de Indulgentiis, de Missis, de reliquiis, de venditionibus beneficiorum, cum primis Pallii Archiepiscopalis, & que ejus generis sunt alia.*



## Censura Fidelis Admonitionis de Sanctitate

Divi DOMINICI & Divi FRANCISCI aliorumq; Fundatorum Ordinum. Cap. 2. fol. 72.

**Q**uod alios concernit divos Sanctulosq; Papales & Monachalium Ordinum authores, habuere quidem isti aliquam externa sanctitatis speciem, quā deceperunt vulgus credulum, non tamen fuit eorum sanctitas vera, & incontaminata, sed potius.

1. Superstitiosa, quoniam in electicis cultibus fundata, dum posthabitis sacris literis, peculiare modos, eosq; plane superstitiosos, saepe etiam ridiculos sinxerunt, quibus DEum coli & ad perfectam sanctitatem, perveniri posse, falso existimarunt. Patet hoc abundanter, vel ex sola legenda Dominici & Francisci, in qua leguntur tot superstitiosa, & puerilia facta, ut illos citius moriones fuisse amentes, quam viros sanctos DEum vere colentes, inde concludendum sit.

2. Pharisaica partim ratione ipsorum operum, quae tantum erant externa, & ab ipsis excogitata, cum interim cor longe abesset à DEo, & negligerentur praecepta divinitus tradita, partim ratione finis, quia operibus istis calum promereri & interris apud rude vulgus gloriolam quandam aucupari voluerunt.

3. Fabulosa. quoniam acta quae de suis divinis referunt Papicolas, magnam partem ab otiosis Monachis sunt conficta, ut haberent quod populo ad fabulas alioquin prono narrarent. Videre hoc est cuius qui modo auream sanctorum legendam inspexerit. Saepe enim sibi ipsi contradicere & tam puerilia atq; anilia gesta refert, ut meras esse fabulas Thalmudicis similes quivis qui vel micam tantum sani iudicii habet reliquam facile intelligat, &c.

4. Falsis hypothesibus superstructa. Senserunt enim legem à nobis impleri posse, dari satisfactiones proprias, & purgatorium, vitam eternam ex merito operum contingere, alijsq; Papalis fidei articulis, in scriptura manifestò reiectis, assensum prae buerunt. Impossibile autem est, ut

*vera sit sanctitas, ubi falsa religio. Si enim cor imbu-  
tum sit erroneis principiis, tum quidquid ex iis deduci-  
tur, erroneum falsumq; sit oportet.*

Ecce quo Fidelis Admonitio progreditur, Os infrane, lo-  
quacior turture, quasi Architzæ crepitaculum, nec sanctis parcat.  
Ast nunc breviter dico, quod tua crepitatio nihil valet, quando-  
quidem tales non sunt, quales ipsa eos dicis: jam hunc stridorem  
non molestè ferunt, cum quotidie ipsum à vobis audiant, verum  
ne spina quidem, vulnerabit bonos. Meneritis tamen Admo-  
nitio, quod licet Dii laneos habeant pedes, tamen

Morat.

*Raro antecedentem scelestum.*

*Deseruit pede pœna clauda.*

## Cōtroversia Theologica.

Utrum Indulgentiæ aliquid sint  
& valeant.

In hac Controversia Indulgentiarum valorem cum antiqui-  
tate, & quomodo sancta mater Ecclesia, semper fuit in possessio-  
ne earundem, traditione, autoritate Sacræ Scripturæ, Conci-  
liorum, & testimoniis Sanctorum Patrum, cōtra Hæreticos com-  
probabimus, præmissis capitibus difficultates hic pertinentes,  
explicantibus.

### CAPUT I.

Palinodia Hæreticorum.

**P**rimi, qui cōtra Indulgentias acuerant linguas suas,  
fuerant *Novatiani Hæretici*, claudentes in peccatum  
prolapsi, & ad Ecclesiam dolore cordis pulsantibus;  
paternæ bonitatis solatia, talesq; sine spe pacis, ad Diaboli præ-  
dā proiciebant.

Horum socii erant *Valdenses*, qui eadem ἀβυσσὸς labo-  
rantes, easdem contempserunt. Ab his nunquam deficit *Joan-  
nes Wickliff* quadragesimo primo Articulo dicens. Vatum esse  
credere



credere Indulgentias Papæ & Episcoporum. Non aliter quam Valdenses, qui nullius esse valoris Indulgentias dixerunt.

Sic etiam *Hu* in favorem quorundam Principum dogmatizavit, quatenus ablata Ecclesiastica bona, licite servare possent.

Tanta progenie clarus *Martinus Lutherus Lupi decas*, in magna copia confusa vocis, ingentem atq; inconditum sonum, contra indulgentias edidit: & tanquam *Ambicus Tibicen*, cujus aures in linguam defluerunt, multas sine mente voces effutens, contra Ecclesiasticas Indulgentias insurrexit, easdemq; impie blasphemavit, & ab iis originem, suæ Sectæ perversissimæ fecit; ut ex multis ipsius locis conitat: Quod etiam refert *Præcolus Doct̃or Theologie* libro decimo *Heresum*. Titulo *Lutherani*. in hæc verba: *Lutherum* turbarum omnium *Germania* causam esse, fatetur *Joachimus Camerarius*, (si fidem mereatur *Joannes Soltzius*) culpamq; omnium arumnarum, quibus adhuc consistitur *Respubl*, transfert in illius contentiones. Illud ergo nova doctrinæ genus, cum magna ingenioli ostentatione maximaq; jactaret verborum contentione *Lutherus*; contingit *Leonem Romanum Pontificem*, templi *Rome D. Petro à Julio Secundo* inchoati, tandem absolvendi, aut (ut ait *Tilius*) *Turcici belli causa*, indulgentias atq; peccatorum condonationes, sive pœnarum relaxationes, elargiri: quas *Archiepiscopo Moguntino* per *Germaniam* credidit distribuendas. Has *Augustiniani* commendatas solebant populo proponere. Verum *Moguntinus* hoc tempore, illas ad *Dominicanos* transfudit invulgandas: unde simultas inter illorum mendicantium ordines, haud sani leviter exorta fuit. *Lutherus*, ut erat ingenio acri, ubi questum ad se, suosq; redire solitum, aliò, cum animi dolore, reiq; culinaria detrimento, videret translatum, cum non valeret eripere; studuit saltem impedire, aliisq; optatam illam prædam imminuere, ut si totam non excuteret, saltem majori ex parte averteret. Publice igitur Anno Domini 1516. *Lutherus* in Indulgentiarum vim atq; efficaciam, inter concionandum, magna cum animi contentione est invehens: huic turba frigidam suffundebat *Straupetius Augustinianorum Provincialis*, vehementer illis obstrictans earumq; vim extenuans.

Contra *TETZELIUS Dominicanus*, sua pro autoritate illas propugnabat & defendebat. Mutuis ergo & contrariis assertionibus populo *Saxonia* dubitandi ansam præbuere, opinionibus per contentionum

sentionum studia, in pejus declinantibus; cum Lutherus initio Indulgentiarum potius abusum quam illegitimum earum usum, quem antea laudarat, fuerit infectatus, qui & ipse, cum suis, ob earum promulgationem, maximopere speratum soliti jam questus lucrum multo sanè maximum captaret. Hac igitur inter ipsos oborta, cum infirmorum scandalo, contentione, de indulgentiarum viribus & efficacia, Ecclesia pax atq; fidei unitas, dolendum in modum, cum certa plurimorum Christianorum pernicie, fuit has in sectiones divulgata, atq; intersurbata. Hac Prateolus.

Hic igitur transfuga audiat, quid in suis resolutionibus, aut assertionibus, vel in initio libri de Captivitate Babilonica, dixerit: *Indulgentie sunt* (inquit) *pie fraudes fidelium, & remissiones bonorum operum, & sunt de numero eorum, quae licent, & non de numero eorum quae expediunt.*

Et alibi. Erravi fateor, ut dixi Indulgentias esse *pias fraudes fidelium*, sic enim à multis proverbio dici audieram, quos tunc imitabar. Revoco ergo, & dico, Indulgentias esse impiissimas sceleratissimorum Pontificum fraudes, & imposturas, quibus & res, & animas fidelium, fallunt, & perdunt.

Hæc naris obese Lutherus evomuit. Judicavit de Indulgentiis, & de se judicari non vult, ceu ille, qui prius *Muscus*, modo *Ulixas* factus. Revocat opinionem de Indulgentiis, Mandrabulismore, procedendo in deterius; nam ut prius, ita nunc, & multo magis, aberrat à Scopo: quamobrem, ut merus *Qvax* non est audiendus.

Hunc excitatum Megalandrum, putantes præcipui Lutricolæ, Professores Academiz Wittebergenfis, Authores Fidelis Admonitionis sedere extra fumum & undam, quasi Antiochum Syria Regem luxuriosissimum, milites sunt imitati, aureis clavic erepidas subnectentes, argenteaq; vasa ad usum culinæ comparantes, & tabernacula textilibus sigillis adornantes: eamq; Censoriam virgulam de Indulgentiis statuerunt, quod sint, nihil valentes, quod ignore, quod ad inventiones humanae sint, quod extrascripturas, quod dogma illius lucrosum: & alia blasphema, ut magis impii Hyppomene appareant, ibidem promulgarunt.

Verum enim vero, provocat poenam suam, oblivisca malitia, nam facile ii debellantur, apud quos nec divina quidem,



nec humana jura sat valent, ac proinde, quemadmodum *Turdus*  
*ita & Fidelis Admonitio sibi ipsi malum cecat.*

Veritas autem (*qua sola liberat, sola salvat, sola lavat*) fidei  
& Ecclesiae Catholicae, admittit Indulgentias, in eo quo expli-  
cabitur sensu.

## CAP. II.

### De Nomine & Definitione Indulgentiae.

**I**nterest in hac disputatione (quam sub regula fidei, so-  
briam, & ad adificationem instituo (nosse quid itatem  
Indulgentiae, quam, si non essentialem, descriptivam  
tamen, ad sensum sacrae scripturae, demonstrabimus.  
Quod vero difficile sit eandem essentiali definitione investigare,  
hinc vel maxime patet, quia constat sanctam matrem, Eccle-  
siam Catholicam (ut refert Catechismus Romanus) infinita Dei  
virtute peccata remittere, & ex injustis justos reddere; eandemq;  
immensam vim divinam, credimus esse ita necessariam in exci-  
tandis mortuis, ac in mundi creatione, imò magis necessariam  
ad faciendum pium ex impio, quam ad coelum ex nihilo con-  
dendum, testante D. Augustino. Quocirca Indulgentiam quae re-  
missionem, & condescensionem, in scripturis sacris significare so-  
let, definitionibus descriptivis tantum, prout intellectus huma-  
nus apprehendere potest definiemus.

**PRIMA DEFINITIO.** Indulgentia, est quaedam remissio  
poenae debitae pro peccato, post contritionem habitam de eo.

**SECUNDA.** Indulgentia, est remissio poenae temporalis,  
debitae pro peccato actuali, jam dimisso, concessa existenti in  
gratia, de thesauro Ecclesiae, à Praelato data.

**TERTIA.** Est Cajetani in opusculo 21. quaest. 1. Indulgen-  
tia, est quaedam absolutio ab injuncta poenitentia, in foro poeniten-  
tiali, annexam habens communionem thesauri passionum Christi  
& Sanctorum.

Dantur & aliae definitiones Indulgentiarum, sed ferè in idem  
reducunt, quare non sunt multiplicandae

At Fide-

*At Fidelis Admonitio Nomen & Definitionem Indulgentiarum, nullibi in Scripturis extare, clamat, nosq; misere cecos pronunciat. Scio quidem nihil deformius esse, quam respondere furiosis; contumeliam tamen pati, non est generosi animi. Nomen itaq; indulgentiarum Authores Fidelis Admonitionis (nisi cœcutiant) in scripturis vident, illudq; audierunt: verum, *Sus Tubam* audivit, & ut pro more suo jungandi occasionem quærant, & è mensa faciant caudicinem, Sacram Scripturam pro nomine Indulgentiæ videre contemnunt. Reassumant ergo serpentis oculos, si hominis displicent, & illud quod est notum lippis ac tonsoribus, ipsis vel cæcis, appareat.*

Isai. 61.

Ecce in Isaia legitur: *Predicare captivis Indulgentiam.*

Judith 8.

Judith: *In hoc ipso pœnitamus, & Indulgentiam ejus, fufsis lacrymis poscitemus.*

Item Isaia. cap. 63. *Quæ largitus est eis, secundam indulgentiam suam.* Et Paulo infra: *In dilectione sua, & indulgentia sua ipse redemit eos.*

Luc. 4.

Et Lucæ dicitur: *Predicare captivis remissionem.* Et

1. Cor. 7.

Apostolus: *Hoc autem dico, secundum Indulgentiam, non secundum imperium.*

Hinc clarè constat, Indulgentiam in scripturis remissionem, & condescensionem, significare: Primum manifestè apparet ex textu S. Lucæ; secundum ex Epistola ad Corinthios; ubi nomen Indulgentiæ, pro quadam condescensione accipitur. Utraq; significatione, multi ex Sanctis Patribus usi sunt, sicut D. Hieronymus in comment. ad 4. cap. Daniel. D. Cyprianus in sermone de lapsis. D. Augustinus in Psalm. 101.

Hinc malitia *Fidelis Admonitionis* infideliter procedentis, deprehenditur; quæ nos misere cecos blaterando vocitat: ipsaq; *sæcor Leberide, cæca cæcis dux, cæcam præscriptionem, tradit: & sine causa, detraxit sermonibus veritatis.*

*O pectora cæca!*

Lueret.

*Qualibus in tenebris vite, quantisq; periculis*

*Degitur hoc, &c.*

Nos verò, ut in veræ fidei cunabulis educati, neq; cœcum ducem, neq; amentem consultorem, habere cupimus: ad quid enim refert, *in canis podicem inspicere?* hi, & tales, *Fidelis Admo-*

*moniti*



attributionis Auctores sunt, qui tantas in oculis lemas habent, quantæ in cucurbitis reperiuntur. O quam ridiculosa res est, aut magis periculosa, *speculator cæcus, doctor inscius, præcursor claudus, præco mutus.*

### Quid Sacrum Concilium Tridentinum Indulgentias esse dicat?

Æcumenicum Concilium Tridentinum, Sess. vigesima prima cap. 9. Indulgentias *cælestes thesauros* appellat.

At *Fidelis Admonitio* scripturam provocat, & cupit, reperiri ejusmodi thesaurum in Scripturis. Sed, & ibi manifestabitur à nobis, qui cum rectè sentiamus, loqui non metuimus, nec erubescimus; nihil enim est ad defendendum puritate tutius, nihil ad dicendum veritate facilis. Unde illa testimonia ex scripturis adferimus, quæ per Allegoriam de Indulgentiis, dicta sunt: dum, modò in purgatum vas recipiantur: enimvero perniciofa est eruditio, si in animum inciderit pravis affectibus corruptum, & quæque disciplina sanctior, hoc fit perniciosior, si contigerit improbo.

Primum, in veteri testamento testimonium Allegorium est, Num. 20. ubi dicit Dominus ad Moysen: *Aperias thesaurum tuum, fontem aquæ vivæ, ut satiati, cesset murmuratio eorum.* In novo testamento, Matth. 13. dicitur: *Simile est regnum cælorum, thesauro abscondito in agro, &c.* Regnum cælorum communiter, Ecclesia Catholica militans interpretatur; nec fingas fictam interpretationem, cum innitatur authoritati, & doctrinæ Sanctorum Patrum, præcipuè D. Hieronymi & Gregorii. Hæc igitur, est *similis thesauro abscondito*, id est, *Indulgentiis*, quæ sunt absconditæ à sapientibus & prudentibus, id est, superbis, præsumptuosis, inflatis, hæreticis, iisque omnibus, qui nolunt obedire Ecclesiæ; revelantur tamen parvulis, id est, poenitentibus, & humilibus Catholicis. *Absconditus est in agro*, id est, in passione, & meritis Redemptoris, & Salvatoris Domini nostri JESU CHRISTI? Sanctissimæ DEI Genitricis, Virginis MARIE, & omnium electorum, à primo iusto, usq; ad ultimum.

Dicitur verò hic thesaurus cœlestis, ad differentiam terre-  
 stris, de quo Salvator : *Nolite thesaurizare vobis thesauros in ter-  
 ra, &c.* Dicitur etiam cœlestis : *Quia, omne datum optimum, &  
 omne donum perfectum, desursum est, descendens à Patre luminum,  
 apud quem, non est transmutatio, nec vicissitudinis obumbratio.*  
 Hunc thesaurum, Dominus JESUS CHRISTUS, hinc abiens, in  
 regionem longinquam, accipere regnum, & reverti; deposuit,  
 servavit, & reliquit, in Ecclesia Catholica: claves autem cœle-  
 stes una cum admirabili virtute, & auctoritate, tum dispensatio-  
 nem, cum magna prudentia, & fidelitate, credidit, & tradidit,  
 summo Pōtificali Romano, suo Vicario, & Ecclesiæ Pastori, Petro.

Nec existiment, *Anthores Fidelis Admonitionis*, hæc verba  
 esse, aut, prout gariunt, mera figmenta, & nova hominum do-  
 gmata, hoc enim inferius patebit. Verum quid dicere debue-  
 rant illi quibus

*Periere mores, jus, decus, pietas, fides,  
 periit pudor.*

Sed dato quod Indulgentiæ, non contineantur formaliter  
 in Sacra Scriptura, an non illis assentiendum esset, utpote quæ  
 ex contentis in Sacra Scriptura deducuntur. *Trinitas* literis, &  
 syllabis, formaliter non ponitur in textu, attamen virtualiter.  
 ponitur: *Baptizantes eos, in nomine Patris, & Filii, & Spiritus  
 sancti:* eidemq;, utpote supremo articulo fidei, assentitur. Sta-  
 tus religiosorum non habetur in literis sacris, attamen virtuali-  
 ter prædicatur. Obedientia, & paupertas, & continentia, &  
 sic de aliis. Sed hæc *Scarabeo citius persuaseris*, quàm iis qui pro  
*Cæco exoculati sunt.*

### C A P. III.

Merita Christi sunt thesaurus Indul-  
 gentiarum.



Indubitatæ veritatis hæc propositio est, Thesaurum  
 Indulgentiarum, esse thesaurum superfluarum satis-  
 factionum, seu meritum, quatenus superflue, quo-  
 ad officium satisfaciendi, propiana, actualib. peccatis, debita.



Has superabundantes satisfactiones, pro suo more, *Fidelis Admonitio* ibidem mira figmenta nominat: At non mirum, temeritati enim illius, rectè convenit omnia contemnere: Veritas tamen, nemini est contemnenda, quam sibi non finxit, aut seminavit Sancta Romana Ecclesia; sed ex Scripturæ S. autoritate, certaq; inde ratione, Sanctorum Doctorum sententia, probata, habetur: quam sic deducimus.

Meritum CHRISTI Domini, qui est Caput Corporis mystici, ita se habet, ad membra sui corporis, quod est Ecclesia; sicut privatus homo, ad corpus suum; & sicut quemlibet hominem dicimus mereri, nedum animæ sed etiam corpori, ita & Christus meruit sibi, & nobis: sibi gloriam corporis, & exaltationem secundum humanitatem. De gloria corporis dicitur: *Oportuit pati Christum & ita intrare in gloriam suam.* De Exaltatione dicitur: *Humiliavit semetipsum &c. propter quod, & Deus exaltavit illum.* Hæc exaltatio, intelligitur secundum humanitatem, qua facta est gloriosior in resurrectione, quia impassibilis, & immortalis. Nobis verò, meruit gratiam in præsentī, gloriam in futuro. Unde tam amplissimus erat, illius acerbissimæ necis, fructus, ut opus illius dicatur meritorium, simul & satisfactorium: Meritorium quidem sibi, & nobis fuit, eo quo, dictum est, modo. Fuit identidem, & Satisfactorium, sed ejus satisfactionis emolumentum, cum ipse nullius eguit, totum penitus ad nos redundavit; eiusq; satisfactio pro nostra computatur, cōmutatur, & acceptatur.

Luc. ult.

Et hoc est quod *Lutricole* negant, dicentes cum suo *Megalandro*, figmentum esse id, quod nos, nedum cum recentioribus, verum etiam cum veteribus Theologis, secernimus in opere Christi; Meritum scilicet, & satisfactionem.

At ista non sunt figmenta. Si enim aliquid præstantiæ, operibus hominum conceditur, id operibus Christi, negare non licet. Atqui, prout inferius ostendemus, opera sanctorum hominum, maxime verò pœnalia, pro peccatoribus aliquando sunt satisfactoria, simul & sibiipsis, nihilominus meritoria: neq; enī fieri potest, ut quisquam charitate ductus, aliquod opus, sive pro vivis, sive pro mortuis, sive jejunii, sive eleemosinæ facit, mercede operis sui frustretur. Dicitur enim, *Tu autem cum jejunas,*

**Matt. 16.** *unget caput tuum, &c. Et Pater tuus qui videt in abscondito reddet tibi. Et quid aliud, nisi mercedem? Igitur velint nolint, Latrice cum suo idolo, hæc in operibus, tam Christi quam ceterorum hominum, distinguenda esse, nempe meritum, & satisfactionem.*

Quia verò *Lutherus*, quem secuta est *Academia Wittebergensis*, hanc distinctionem figmentum esse, dixit, & nullo eam argumento refutavit, ideo ut ipsius falsitas, & convicia ad quæ sæpe convertitur, dum argumenta sibi solidiora desunt, appareant; hanc distinctionem, ex Sacra Scriptura, tali modo, demonstramus. In eleemosina, quæ est actio hominis iusti, relucet, & satisfactio, & meritum: illa ratione quæ est opus laboriosum, & pœnale, dicitur esse satisfactoria, quæ verò est opus ex charitate factum, est opus meritorium: utrumque probatur, ex Sacra Scriptura.

**Job. 4.** *Quod sit satisfactorium opus, patet ex illo textu: Eleemosina*  
**Ecclesi. 3.** *ab omni peccato, & à morte liberat. Et, sicut aqua extinguit ignem, ita*  
*Eleemosina extinguit peccatum. Quod sit meritorium, patet hinc.*

**Matth. 23.** *Percipite regnum, quod vobis paratum est, ab origine mundi, Esurivi enim & dedistis mihi manducare.* Hoc idem patet de Jejunio, secundum auctoritatem adductam superius, ubi dicitur: *Pater qui vi det in abscondito, reddet tibi* supple, prout mereris.

Hanc, eandem distinctionem, bene scrutatus est *D. Augustinus*, in Oratione Dominica, cui satisfactionem quandam attribuit, dum dicit: *De quotidianis brevibus, levibusque, peccatis, sine quibus hæc vita non ducitur, quotidiana fidelium oratio, satisfacit.* En expresse satisfactionem nominat. Nihilominus tamen meritum in eadem Oratione exprimitur, dum dicitur: *Tu autem, cum oraveris intra in cubiculum tuum &c. & pater tuus qui videt in abscondito reddet tibi.* Si ergo hæc, in opere alicujus pii hominis reperitur, distinctio, cur non in opere Christi? Quocirca, non sine auctoritate Sacre Scripturæ hæc distinctio, est facta, & non sine eadem, Romana Ecclesia Indulgentias fieri, ex thesauro superabundantium meritorum, seu Passionum Christi, determinavit.

At *Fidelis Admonitio*, clamorior lauro ardente, tantum clamat, quantum novies, deciesve, mille viri, clamare solent, qui præli amiscunt. Probetur, inquit, in Ecclesia dari talem thesaurum, satisfactionum superabundantiarum.

Dicimq;



Dicimus itaq; Christi Domini passionem ita esse meritoriam, ut, si Centies centena millium hominum nascerentur, ultra eos, qui fuerunt, vel unquam erunt; sufficeret tamen omnibus salvandis, unum ipsius Passionis Christi meritum; sicut etiam, sufficeret ad damnationem, unum peccatum Adæ, omnibus, etiam si decies centena millium hominum nascerentur, supra eos qui unquam nascitur sunt: hinc deprehenditur, illius meritum ita esse infinitum, quod nec usu, nec ablatione finire potest, cum præterea, sit etiam actus personæ infinitæ, & quod meruerit coram Patre æterno, per mortem & passionem suam, de toto rigore iustitiæ. Hinc considerandum venit, an Christi passio, sit totaliter sibi remunerata, nec ne? affirmativum stare non potest, etenim, si totaliter, ad quid remuneratur in membris suis, videlicet, in baptizatis, qui non proprio, sed Christi merito, ad coelestem perveniunt patriam? & hoc est, quod ratione harum passionum, non remuneratarum, immensus, & infinitus thesaurus, quæsitus, & inventus, in Ecclesia Catholica depositus, & conservatus est, propter utilitatem nascentium omnium in mundo.

Si autem obijcere velis, illam remunerationem, quam manifestat D. Paulus ad Philip. 2. *Exinanivit semetipsum, factus obediens, &c. propter quod & Deus exultavit illum, &c.* Dico, hoc nihil concludere contra: Licet enim omnes passionēs Christi, ea ratione, quā sunt merita, habuerint aliquod præmium, nominis scilicet exaltationem, & gloriam corporis, ut Apostolus innuit (nam gloriam animæ essentialē & plenitudinem gratiæ san-

D. Tom. 3.  
p. 9. 34.  
art. 1.

ctificantis animam & corpus, habuit in primo instanti suæ conceptionis) tamen, ea ratione, quā sunt satisfactoriæ, ut opera bona, & poenalia, nullam remunerationem præmii, in Christi persona habuerunt; eo quod ipse, nullum peccatum fecerit, in cujus satisfactionem, illæ passionēs redundarent: ac proinde, si meritum spectemus, premio jam donatus est, quantum ad seipsum pertinet, cumulatissimo, relicta nobis interim amplissima, satisfactio-  
nis, gaza.

Hæc superabundantia passionum Christi pro nobis, quod fundamentum habeat in scriptura, potest videre *Fidelis Admonitio*, dum modo cæcutire nolit; dicitur enim: *Ipse est propitiatio pro peccatis*

7. Joan. 2.  
1. Cor. 5.

*peccatis nostris, non pro nostris autem tantum sed totius mundi. Et,  
Pro omnibus, mortuus est Christus.*

Hic *Fidelis Admonitio*, deposita, aut certe ingenii crassicie, aut perversa malignitate, videat, passionem Christi sufficienter, satisfacere pro toto mundo: debet tamen fateri, secundum rei dignitatem, & veritatem, hanc satisfactionem, pro paucis tantum fuisse exhibitam per executionem; eo quod, non omnibus hominibus, qui hactenus vixerunt, precium mortis Christi, re ipsa, applicatum fuit, ad expianda eorum peccata: imo major pars morti æternæ addicta. *Multum enim sunt vocati, pauci electi.*

Matt h. 20.

Matth. 7.

*Et, lata est porta, & spaciofa via, quæ ducit ad perditionem, & multi ingrediuntur per eam.* Quod igitur illæ superabundantes passionēs Christi; factæ, pro peccatis totius mundi, proficient? An conculeandæ? Conculeantur quidem ab Authoribus *Fidelis Admonitionis*: at Sancta Romana Ecclesia, thesaurum infinitum, quæ nunquam exauriri potest, ex his superabundantibus passionibus Christi satisfactoriis, coacervavit, & ad usum fidelium tradidit; ne sint satisfactoriæ infructuosæ: quod utique dicendum esset, si deessent hi, in quibus fructificentur. Et quia ipsi operanti Christo Domino, erant infructuosæ, ut jam dictum est, illique, qui satisfacit, satisfacere non possunt, restat ut utilitas eorum propria sit, satisfacere pro aliis & in aliis officium habere. Consentaneum igitur rationi est, quod hæ, satisfactoriæ passionēs Christi, ad utilitatem aliorum membrorum Ecclesiæ per Indulgentiam ordinatæ sunt.

Videat igitur *Fidelis Admonitio*, quàm ineptè figmenta hæc esse dicat, videat hanc doctrinam concordari cum scriptura, quæ Authores *Fidelis Admonitionis* deteriores redduntur, non ob aliam causam, nisi quod doctrinam scripturæ, ab Ecclesia dextera porrectam, sinistra excipiunt, ob eamque rationem, *Cæco lumen, serbo sermonem, sapientiam bruto offerre, labor irritus.*

CAP.



## CAP. IV.

### Merita Sanctorum, sunt itidem Thesaurus Indulgentiarum.

**I**N merito Christi Domini, omnia, omnium hominum merita, fundantur, tum, quia fundamentum aliud ponere nemo potest, quam quod est positum, CHRISTUS JESUS: tum, quia Christus Dominus, tanquam caput in membra, & tanquam vitis in palmites, perpetuo in suos virtutem infundit, juxta illud Psalmistæ: *Sicut unguentum in capite, quod descendit in barbam, &c.* Ex his, tanquam satisfactoriis, quasi in petra firmissima, fundatur Ecclesiæ Catholicæ, thesaurus Indulgentiarum. Psalm. 132.

At *Fidelis Admonitio*, quæ nunquam desinit ubiq; strophas interserere, inquit: *Quod sancti etiam plus præsent, quam divinus præceptum est, & ex illis superabundantibus satisfactionibus, thesaurus quidam Indulgentiarum oriatur, mera figmenta, & nova hominum dogmata sunt. Probetur, sanctos plus facere, quam meruerunt peccata propria.*

Attende, hæc non esse figmenta: Est enim differentia inter meritum, & satisfactionem sanctorum, quod etiam diximus de operibus Christi. Meritum enim, appellatur opus, ex quo operans dignus est æterna beatitudine, ita quod debetur illi *ex rigore justitiæ distributivæ, quantum ad substantiam, secundum quam, aliquis dispensator dat unicuiq; juxta suam dignitatem:* juxta illud quod Apostolus dicit: *Bonum certamen certavi, cursum consummavi, fidem servavi, in reliquo, reposita est mihi corona justitiæ, quam reddet mihi Dominus, in illa die, justus judex.* Et juxta illud: *Dignus est operarius mercede sua.* Et, *Unus quisque mercedem accipiet, secundum suum laborem.* D. Tom. 1. p. q. 21. ar. 1. 2. Tim. 4. 1. Cor. 3.

Satisfactio autem, appellatur voluntatis actus, estq; compensatio pœnæ, vel solutio debiti, illa enim ratione debitor pœnæ satisfacit justitiæ, quâ pœnam exolvit, cum adæquatione solutionis debiti.

Hac

Hac distinctione præmissa; dicimus, quod sanctorum opera, quatenus fuerunt meritoria, acceperunt mercedem suam in ipsis sanctis, quoniam ipsis solis profuerunt; nemo enim est, cui non cumulatus præmium in cœlis Deus largiatur, quàm hîc in terris ipse meruerit: & hoc est, quod scripturæ passim docent, cum dicunt: *Unus quisq; propriam mercedem accipiet* uti superius, & *Reddet unicuiq; secundum opera sua*. Quatenus vero satisfactionis per superabundantiam fuerunt, non sunt remunerata in ipsis sanctis, sed relicta sunt remuneranda in nobis: Unde secundum hoc officium, quod est satisfacere pro pœna temporali, peccatis actualibus debita, remunerari non possunt in ipso sancto, si non est debitor, alicujus temporalis pœnæ, pro suo peccato actuali: ex hoc enim ipso, quod sanctus ponitur non debitor talis pœnæ necessario sequitur, quod non sit capax talis remunerationis, scilicet, quod satisfactio valeat, ad absolutionem pœnæ pro se.

Supposito itaq; tanquam certo (quod postea probabitur) quod inter sanctos innumeri sunt, qui longè graviores pœnas, & zrumnas pertulerunt, quàm ad suorum suffecissent delictorum expiationem; oportet consequenter asserere, quod satisfactiones suæ, inquantum excedunt sua debita, non sunt remuneratæ in ipsis sanctis, quia ipsi non indigebant solutione pœnarum. Et licet asseramus, omnia ipsis esse plenissimè remunerata, quod attingit rationem meriti; quidquid enim inde meruerunt, totum eorum erit, siue sit præmium essentiale, siue accidentale: propter hujusmodi tamen remunerationes, non perdit actus ille officium suum, quod est solvere pro pœna temporali, actualis peccati, proprii, vel alieni; quoniam solvere pro se, vel alio, non est meritum, aut merces, aut remuneratio quæcunque, sed satisfactio. Plenissima itaq; remuneratio, quâcumq; sit ultra condignum, non tollit à meritis Sanctorum, superfluum officium satisfaciendi, pro pœna temporali actualium peccatorum, si constat Sanctorum merita plus esse satisfactoria, quàm ipsi essent debitores.

Nunc ergo videant *Authores Fidelis Admonitionis*, id quod anxie quærebant, quod scilicet, multi ex sanctis plus satisfecerunt, quàm demeruerunt, & multo plura, propter Deum perpeffi sunt, quàm



quàm exigeret reatus pœnæ temporalis, cui fuerunt obnoxii, propter culpas ab ipsis commissas.

Et imprimis, id ambiguum nemini esse potest, quantum ad Gloriosam Christi Genitricem, quæ nevo quovis, & labe caruit. Iste est sensus *Ecclésiæ. Sanctorum Patrum, & Concilii Tridentini, Sess. 6. Can. 23.* Ac proinde, nullis satisfactoriis eguit, & tamen satisfactoria multa subiit, & innumeratas, easdemq; acerbissimas perpessa fuit molestias, nam de ipsius dolore scriptum est: *Et tuam ipsius animam pertransiit gladius.*

LUC. 2.

Fuerunt & alii, qui lethalius noxis caruisse creduntur, ut Joannes Christi præcursor, & Jeremias, quos constat in utero Sanctificatos, vitam innocentissimam duxisse: ipsi tamen clades ac calamitates immensas, & absq; numero sunt perpassi, & tota eorum vita, duritè ac severè acta, non exemplar pœnitentiæ, omnibus haberi non potest. Neque negaverim eos omnes, etiam longè supra quàm meruerunt esse remunerandos: Veruntamen, haud dubito, quin quod in ærumnarum, quas tolerarunt cruciatibus, erat satisfactorium, non evanuerit penitus in aera. Nam Deus ipse benignissimus, qui mala nostra semper vertit in bonum, non patietur hanc satisfactionem omnino perire, sed in aliquam haud dubiè converteret utilitatem.

Job quoq; testatur idem: *Utinam appenderentur peccata mea quibus iram merui, & calamitas, quam patior, instatam, quasi arena maris hæc gravior appareret.* Ubi clare constat, Job plus passum fuisse, quàm pro peccatis suis debuerit pati, in superabundantia satisfactionum.

JOB. 6.

Quis etiam tam inops mentis est, ut dicat Sanctos Martyres, S. Laurentium, Vincentium, & reliquos, tanta passos, omnibus illis pœnis indiguissè, ut satisfacerent pro pœna peccatis suis debita. Hæc, & similia, alii Sanctissimi Propheta pertulerunt de quibus, *Alii verò ludibria, & verbera experti, insuper, & vincula, & carceres, lapidati sunt, secti sunt, tentati sunt, in occisione gladii mortui sunt, circumcincti in melotis, in pellibus caprinis, egentes, angustiati, afflicti, quibus dignus non erat mundus, in solitudinibus errantes, in montibus, & speluncis, & in cavernis terræ.*

Hebr. 11.

Quid & D. Paulum memorem, qui forte nunquam post  
 1. Cor. 4. baptismi gratiam, lethalem culpam admiserit. *Nihil mihi conscius  
 2. Cor. 1. sum.* Et, *Gloria nostra hac est, testimoniam conscientia nostra, quod  
 in simplicitate cordis, & sinceritate D & I, conversati sumus in hoc  
 mundo.* Ex quibus verbis constat, quàm parum deberet pro suis  
 2. Cor. 11. iple culpis satisfacere, quanta autem passus fuerit, liquet cum di-  
 cit: *Ministri Christi, sunt & ego, ut minus sapiens dico, plus ego, in  
 laboribus plurimis, in carceribus abundantius, in plagis supra mo-  
 dum, in mortibus frequenter.* Et de omnibus generatim Apostolis,  
 1. Cor. 4. dicit: *Usq; in hanc horam, & esurimus, & sitimus, & nudi sumus,  
 & colaphis cadimur, & instabiles sumus, & laboramus, operantes ma-  
 nibus nostris, maledicimur, & benedicimus, blasphemamur, & obse-  
 cramus, tanquam purgamenta hujus mundi facti sumus, omnium  
 peripsa inq; adhuc.*

Non dubitamus præterea Sanctissimos Confessores, mul-  
 tum omnino satisfactionum in hoc Spirituale ærarium contulisse,  
 ex fructibus poenitentia plurimis, quos pertulerunt; longissi-  
 mo tempore vitam sanctissimam, ac asperrimam ducentes.

Job. 1.

Superfluant igitur multa satisfactoria sanctis, ultra ingens  
 pelagus superfluentis satisfactionis CHRISTI, qui pro totius  
 mundi peccatis, satisfecit. Cum ergo nihil interea sine causa  
 fit, testante Job, *nihil frustra*, profecto, nec satisfactiones ejus-  
 modi peribunt, at periissent certè, si nec eis, nec cæteris profuiss-  
 sent quicquam. Et quoniam illi, suæ satisfactionis fructum,  
 nullis destinarunt personis certis, idè fit, ut in commune totius  
 Ecclesiæ emolumentum, cedant: & communis Ecclesiæ thesau-  
 rus dicatur. Quocirca, ex meritis Christi, & Sanctorum, qua-  
 tenus satisfactoriis & superfluis, thesaurus Indulgentiarum con-  
 stituitur, ut inde repèdatur, quidquid cæteris ex justa satisfactio-  
 ne defuerit.

Unde finaliter concludimus, quod satisfactiones Christi &  
 Sanctorum superabundantes, applicari possunt aliis, qui rei sunt  
 luendæ poenæ temporalis.

Hæc Conclusio est, admentem articuli Symbolici, *Communionem Sanctorum*. quo docemur, fideles omnes, mutuo esse  
 membra: & sicut membra invicem se juvant, ita fideles, inter se  
 bona



bona sua communicare. præfertim illa, quæ uni superflua sunt; alteri utilia esse possunt. Et nemo dubitet, hanc esse intentionem Sanctorum, quod scilicet, fuerit pati pro nobis, testatur enim Apostolus: *Ego libentissime impendam, & superimpendam ipse pro vobis.* Et, *Gaudeo in passionibus pro vobis, & adimpleo, quæ defuerunt Passionum Christi in carne mea, pro corpore ejus, quod est Ecclesia.* Et, *Omnia sustineo propter electos.* Ubi manifestè patet, divinam providentiam disposuisse, ut passionibus aliquarum in carne Sanctorum, spectent ad complementum Passionum Christi, pro corpore ejus, quod est Ecclesia: & hanc divinam ordinationem, Sanctos adimplere suis passionibus superabundantibus, ad communem Ecclesiæ totius utilitatem certum est. Nam si viventes participant mutuò in benefactis, secundum illud Psalmistæ: *Particeps ego sum omnium rimentum te.* quis hoc negabit de Sanctis; ne illorum passionibus, non prosint viventibus?

1. Cor. 12.

Coloss. 1.

2. Tim. 2.

Psalm. 113.

Si autem quis quærat, ad quid superabundans satisfactio Sanctorum ponitur, cum Christi satisfactio sufficientissima sit, pro toto mundo. Dicimus secundum multorum sententiam Doctorum, hoc propterea esse, ut Christi membra, assimilentur capiti, Sancti scilicet Christo Domino: assimilantur itaque Sancti Christo Domino, etiam in hoc, quod pro aliis passus est, dum & ipsi, qui participant, plus quam demerentur, pro aliis satisfaciunt.

Quare æquum est, ut ille passionibus Sanctorum, coram Deo non sint inanes, sed redundant in honorem Christi: per hoc enim efficacia meritorum Christi, magis clucet, quia non solum per se possunt expiare peccata, & reatum peccatorum, sed etiam efficiunt, ut merita Sanctorum, vim habeant expiandi reatum pænæ temporalis. Unde Deus voluit, ut unusquisque nostrum, propriis meritis, coronam vitæ sibi acquirat, juxta illud, *Non coronabitur, nisi qui legitime certaverit*, non quod Christi merita non sufficiant, sed quia id nobis utilius, & Christo gloriosius est.

2. Tim. 2.

Hic iterum videat *Fidelis Admonitio* quam longè aberraverit, dicēs: *Hæc signimenta esse, extra scripturas tradi, non ex scripturis deduci.* At, hæc illius lingua, non redarguta, non est miranda; sequuta n. suum, *frontis perfrita Megalandrum*, id cum ipso protervè docet. *Qui enim semel verecundia fines transierit, eum bene, & naviter, oportet*

Cic. ad L.

Luc.

*portet esse impudentem.* Impudens fuit Lutherus dicens nos hæc quæ nuper probavimus, nullis scripturis posse probare, sed sola impia illa Extravaganti, Clementis Sexti, ex opinionibus Thomæ insulsissimis, & meris figmentis, concepta.

*Cic. in Off.* Semper Lutherum *ſeū d. & decet*, nam, qui ſemel à veritate deflexit, hic non majore religione ad perjurium, quàm ad mendacium, perducī conſuevit. Ut interea nihil de Sacra Scriptura dicam; quàm, ſi non Cæcior eſt talpa, videt, ſimiliter nihil de Extravagante, quàm tam contumelioſè vocat impiam, mirum tamen in modum, videtur mihi Lutherus ſuperafſe Ariſtogitonem, Oratorem Athenienſium, qui ob impudētiam canis vocatus eſt. O quam Egregius Orator Lutherus, dum doctrinam Sancti Thomæ, velut inſulſiſſimas opiniones contemnit! & nihil aliud eas facit, quàm mera figmenta. At nemo compos mentis eſt, qui non pluris D. Thomam æſtinet, quàm Lutheros mille, cum tota caterva Profeſſorū Wittebergenſium.

## CAP. V.

Solus Papa habet plenariam poteſtatem dandi Indulgentias.

*Pol. 195.*



Onquæritur *Fidelis Admonitio* dicens. *Quod Papa habeat poteſtatem applicandi theſaurum ſatisfactionum. Unde probabitur?*

Quaſi vero hæc, à graviſſimis Doctõribus non fuerint probata. Et ut talia appareat, Dicimus, opera ſatisfactoria, ex quibus conſtat theſaurus Indulgentiarum, eſſe velut quædam bona communia, ipſius Eccleſiæ, ut pote pro ipſa facta, & relictã. Conveniens igitur erit, ut ad eum, qui totius Eccleſiæ curam habet, ſpectet diſpenſatio dicti theſauri. Nam, in omni Republica, bene conſtituta, pertinet ad Principem Republicæ, diſpenſare communia bona, & in ſatisfactionem alterius, ſi videbitur expedire utilitati ejusdem. Hic autem diſpenſator nō alius eſt, niſi Petri ſucceſſor, qui ſolus præeſt toti Eccleſiæ, Pontifex Romanus, viſibile caput Eccleſiæ, à Deo dependens, gubernans omnia, quæ attin-

git &



git à fine usq; ad finem, fortiter, & disponit suaviter, dispensans,  
estq; SS. D. N. Summus Pontifex, Urbanus Octavus, Papa Roma-  
nus, feliciter modernus. Sed hic continuo *Fidelis Admonitio* no-  
vam, jam pridem solutam difficultatem ingerit, dum dicit: *Pre-  
terea præsupponunt ulterius Petro demortuo in ejus locum & officium*  
*Papale successisse Romanos Episcopos, quæ non a principii petitis est, &*  
*demonstrari potest minime, quod Petro aliquis in primatu (cum nul-*  
*lum ipse habuerit vel exercuerit unquam) successerit, & successor iste*  
*semper Romanus fuerit Episcopus. In primitiva Ecclesia de tali ca-*  
*pite & Petri successore nihil quicquam auditum est, primiq; Romani*  
*Episcopi pro talibus non sunt habiti, sed video quod*

Fol. 136.

*Nullus, semel ore receptus*

*Pollutas patitur, sanguis mansuescere fauces.*

Novam petitionem principii dicit, dum satis evidenter,  
à nostris probata, videre contemnit. & probanda cupit. Sed *Fi-*  
*delis Admonitio* suis pulverem oculis iussundit, dum de industria  
rem obscurat, & id, quod sole clarius est, palpare vult in tene-  
bris. Si præsentis eliet negotii, an Petrus habuerit aliquod exer-  
citiū, in primatu, & successor ejus sit Romanus Pontifex, ostē-  
dere, non esset difficile nobis in medium afferre, quod conscien-  
tiam (ut verbis *Fidelis Admonitionis* utar) Christiani solidè tran-  
quillet, sed quid cæco cum speculo? Malunt *Authores Fidelis Admo-*  
*ntionis* defecit haurire, quam rationes, ex Sacra Scriptura à mul-  
tis Orthodoxæ fidei petitas, electro lucidiores, Primatum Petri,  
& successionem Episcoporum Romanorum adstruētes, videre.

Fol. 127.

Illud tamen obiter nobis hic dicendum venit, quid sibi ve-  
lint verba: *Fidelis Admonitionis. In Primitiva (inquit) Ecclesia,*  
*de tali capite, & Petri successore, nihil quidquam auditum est, pri-*  
*miq; Romani Episcopi, pro talibus non sunt habiti.*

Apparet *Admonitionem*, esse extra legem Persarum, qui  
inter peccata duo gravissima numerabant: Prius esse debitorem,  
alterum mentiri. Nihil audit, *Fidelis Admonitio* in primitiva Ec-  
clesia, de Capite ejusdem, & Petri successore. Dele tantum li-  
ras, Magis quam Scripturas, quas diabolus in tua impressit anima, &  
fer mibi cor a vita hujus tumultibus liberum, tunc auris tua bona, erit  
libenter audiens utilia, prudenter discernens audita, obediēter ope-  
rans intellecta.

Chris-  
st.  
super  
Matth.

sed parum refert, quod *Fidelis Admonitio*, nil audierit de  
tali capite, & Petri successore: Audiverunt Sancti, qui proximè  
Apostolis succellere, majores nostri, tam doctrinâ quàm vitæ  
sanctimonîâ, spectatissimi. Audivit *Divus Hieronymus*, qui sic ad  
Damasum Papam, scripsit: *Quoniam* (inquit) *vetusto Oriens, in-*  
*ter se populorum, furore collisus, indiscissam Domini tunicam, & de-*  
*super rectam, minutatim discerpfit, ideo mihi cathedram, & fidem.*  
*Apostolico ore laudatam, censui consulendam.* Et iterum ad eun-  
dem: *Beatitudini* (inquit) *tua, id est, Cathedra Petri, communione*  
*consociar, supra illam petram, edificatam Ecclesiam scio.* Et rursus ad  
eundem: *Emendari cupimus à te, qui Petri sedem tenes, & fidem.*  
Et alibi: *Si quis Cathedra Petri jungitur mens est.* Unde D. Hierony-  
mus dicit se: *Vitalem non nosse, Miletum respicere, Paulinum ignora-*  
*re, quippe qui sedis huius, & Cathedra erant adversarii, sed & demum*  
*cunctos affirmat spargere, hoc est schismaticos esse, & extra Ecclesiam*  
*qui cum successore Petri non colligunt.* Item, ad Euàdram Præsbyt.  
*Non altera Romana Urbis Ecclesia, altera totius orbis asimanda est.*  
Vides *Fidelis Admonitio*, quod D. Hieronymus audierit de Cathe-  
dra Petri, & quantum tribuat ipsi, ejusq; successoribus.

Audivit & *Divus Cyprianus*, qui Cornelio summo Pontifici  
Romano scribens, eundem animat ad perferendas minas & ter-  
rores, quos incussere Novatiani tandem subdit: *Neque enim aliunde*  
*hæreses oborta sunt, aut nata sunt schismata, quàm inde, quod Sa-*  
*cerdoti D & I non obtemperatur, nec unus in Ecclesia ad tempus Sacer-*  
*dos, & ad tempus Judex, vice Christi cogitatur: cui si secundum ma-*  
*gisteria divina obtemperet fraternitas universa, nemo adversus sa-*  
*cerdotum collegium quicquam moveret, nemo post divinum judicium,*  
*post populi suffragium, post Coepiscoporum consensum, judicem, se*  
*non jam Episcopi, sed D & I faceret, nemo diffidio unitatis Christi Ec-*  
*clesiam scinderet, nemo sibi placens, ac tumens, seorsum foris hæresim*  
*conderet.* Hæc Cyprianus.

Et quid *Fidelis Admonitio* ex verbis Cypriani audis? Certe  
non aliud nisi quod debeat unus ad tempus in Ecclesia sacerdos  
esse, qui sit judex habendus, vice Christi, cum sit divino firmatus  
judicio, populiq; suffragio, demum Coepiscoporum consensu,  
Huic, si & tu, & cæteri obtemperarent, nullæ hæreses, nulla schis-  
mata, nullaq; intra Ecclesiam nata dissidia, durarent diu.

Vide



Vide & *Divum Augustinum*, quantum tribuit Cathedræ Petri, quæst. 110. Veteris & novi testamenti Cathedram pestilentia vocans eorum, qui vel extra Ecclesiam, vel contra Ecclesiam sedes sibi instituerunt, & fidem asserit eos usurpare Petri, cujus tamen traditionem corrumpunt, Nam & *ordinem*, inquit, *ab Apostolo Petro captum*, & usq; ad hoc tempus per traditionem suadærum Episcoporum servatum, perturbant; ordinem sibi sine origine vendicantes, hoc est, corpus sine capite profitentes. Unde congruit etiam, eorum fidem, Cathedram pestilentie appellari. Idem adversus Epistolam Manichæi dicit: Tene me ab ipsa sede Petri Apostoli, cui pascendas oves suas post resurrectionem Dominus commendavit, usq; ad præsentem Episcopatum, successio Sacerdotum. Tenet & ipsum Catholici nomen, quod non sine causa, inter tam multas hæreses sic ista sola Ecclesia obtinuit. Hæc Augustinus, quem gremio Ecclesiæ, successio Romani Pontificis retinuit.

Huic veritati, adstipulantur & Græci Doctores, è quorum multitudine, unum, *Divum Athanasium* provoco, qui testimonio Lutheri primo inter Patres fuit, quiq; ad Marcum, Romanæ Urbis Pontificem, sic ait: Optamus, ut à vestra Sanctæ Sedis Ecclesiæ autoritate, (quæ est mater & caput omnium Ecclesiarum) ea ad correctionem & recreationem fidelium Orthodoxorum, percipere, per præsentis legatos, mereamur: quatenus vestra fulci autoritate, vestrisq; precibus roborati, illesi à memoratis emulis, Sanctæ DEI Ecclesiæ, & nostris evadere, nobisq; commissos erare, valeamus. Hæc Athanasius.

Mirabile igitur est, cum ista *Fidelis Admonitio* non ignoreret, aut saltem nosse debuerat, cur tam parum tribuat Romano Pontifici? Utq; Caiphas, qui Moyse Cathedram occupavit, quam avaritia, & ambitione, ac simonia corruptissimus fuerat, tamen, quia Pontifex illius anni erat, verum iudicium Judæis protulit. Cur *Authores Fidelis Admonitionis*, & quidem Christiani, idem non faciunt, & pro rei veritate, Petri Cathedram legitimum habere successorem, Romanum Pontificem non asserunt? Fateris *Fidelis Admonitio*, quod Deus excitaverit Megilandrum, Lutherum, cujus vita secundum Erasmus (ut ais) magno omnium consensu probatur, cur ipsum non imitaris in sententia, de autoritate Sanctorum Patrum, quos tibi nuper recensui, ad adstruendam

endam successionem Petri? Rectè enim Seneca dixit: *Qui imitantur Doctores, dabit operam, ut similis illis sit.*

Vide igitur tuum ἀγέρων. Lutherum quid in hac materia sentiat, Protestor (inquit) me prorsus nihil dicere, aut tenere, velle, nisi quod in, & ex sacris literis, primò, dein Ecclesiasticis Patribus ab Ecclesia Romana receptis, huc usq; servatur, & ex Canonibus, ac decretalibus Pontificiis habetur, & haberi potest. Cur non & Authores tui, qui sunt de grege illo, ejusdem farinae, iisdem vescerentur cepis, idem fatentur? At video verum esse, quod simia non capitur laqueo, spreta enim hac protestatione Lutheri, sequuta est ipsum, prout in alio loco, de pristino statu dimigravit, & modo palliatus, modo rogatus apparuit, cum dixit: *Qua autem* (inquit) *securitate possumus, alicui Patrum niti, quem cõstiterit sæpius errasse, sibi & aliis pugnasse, scripturis vim fecisse.* Ita Lutherum decet, sicut Asinam, quæ semper novi aliquid apportat. Unde sicut Mulus, ex equo & asina confectus, neq; est equus nec asinus; ita Lutherus, per primam protestationem, neq; est Ecclesiasticus, nec per secundam revocationem Aulicus, sed *Coturnus*.

Posthabitis igitur istorum tergiversationibus, asserimus Ecclesiæ Pastorem Romanum Pontificem, esse dispensatorem thesauri satisfactionum, ac per hoc distributorem Indulgentiarum. *Matth. 16.* Probatum evidenter, illo testimonio Salvatoris: *Tibi dabo claves regni cælorum, & quodcumq; ligaveris super terram, erit ligatum & in cælis, & quidquid solveris, &c.* Origenes super Matthæum dicit: *Solus Petrus* (inquit) *Romanus, claudit & aperit regna cælorum, alij vero ab eo missi claudunt & aperiunt regna cælorum.* Quibus verbis CHRISTUS Dominus, Petrum cæteris præposuit, & ampliori voluit autoritate donari.

Forte *Authores Fidelis Admonitionis* volunt, cum Luthero, extenuare hæc verba, dicentes: eadem omnino esse, quæ cæteris dicta fuerant Apostolis, sed palam constat rem, aliter se habere; licet enim dixerit Matthæi 18. *Amen dico vobis, quacumq; ligaveritis super terram, erunt ligata & in cælo, & quacumq; solveritis super terram, erunt soluta & in cælo.* Non tamen aliud hinc inferri potest, nisi quod in his, divisum omnino potestatis gradum, voluit de signari: ille autem primus sermo, ad solum Petrum pertinet, ut statim



ut statim ostendat; ejusq; potestatis amplitudinem demonstrat, quæ ad omnes cælos extenditur: hic verò secundus, qui conce-  
nit omnes Apostolos, non usq; adeò latè patet, sed ad unum dun-  
taxat cælum.

Quoniam igitur Petrus, in successoribus semper in Ecclesia  
repræsentatur, & in cæteris Episcopis, Apostoli, quibus deinde  
subsunt Sacerdotes, quis non advertet ex iis, compositissimum  
ordinem in Ecclesia constitui, & cuiq; pro suo gradu, congruam  
collatam esse potestatem? Neque enim Christus, qui DEI virtus,  
& sapientia est, quiq; nec jota quidem protulit unquam; absq;  
iusta ratione; absq; causa credendus est toties, in altera proposi-  
tione cælos ingeminasse pluraliter, in altera non nisi cælum sin-  
gulariter, nisi ut divisum gradum, potestatis Petri, & Apostolo-  
rum designasset.

Præterea, solus Matthæus Evangelista, utramq; propositi-  
onem nobis tradidit. Non est verisimile, quod idem Evangelista,  
tanta verborum diversitate, duas has sententias, uno solo capite  
distantes, extulisset, si censuisset eas, ad eandem omnino rem per-  
tinere, & non variam in his exprimi potestatem.

Sed & illud ad rem haud parum conferet, si exquiramus,  
quam occasione Christus illa verba primæ propositionis, pro-  
tulerit; nam ex ea magis perspicuum erit, quod asserimus. Post-  
quam enim Petrus palam fuisset cōfessus, CHRISTUM esse filium  
DEI, pro merito confessionis hujus, audivit à CHRISTO vicissim  
ad se dictum: *Beatus es Symon filius Jona*, &c. & dato, quod hoc  
mysterium fuerit omnibus revelatum, solus tamen Petrus illius  
testimonium reddidit, propter quod audivit subjunctum à Chri-  
sto: *Et ego dico tibi*. CHRISTUS sine dubio omnes interrogavit,  
quemnam se crederent esse, sed quia solus Petrus confessus est soli  
Petro vicissim responsum: *Et ego dico tibi, quia tu es Petrus*. Solum  
ergo Petrum allocutus est Christus, cum nemo cæterorum voca-  
tus sit Petrus. *Et ego dico tibi, quia tu es Petrus*, &c. & subjungit:  
*Et quodcunq; ligaveris super terram, erit ligatum & in cælis, & quod-*  
*cunq; solveris super terram, erit solutum & in cælis.*

Hæc pro merito suæ confessionis, Petro dicta fuerunt, per  
quæ collatum est illi supremum tribunal, Ecclesiasticæ potestatis,  
ad regen-

ad regendam omnem Ecclesiam, & judicandam famina cum potestate, loco CHRISTI. Idemq; ei ultimate exhibitum est, dum post resurrectionem Domini, audit: *Pasce oves meas*. Quemadmodum ergo Petrus, ut supremus Vicarius CHRISTI, potest applicare Christi Passionem & Sanctorum, quatenus sunt absoluti à poenis temporalibus culpæ debitis; ita etiam id in dubiè dicendum est de summo Pontifice, successore Petri: de cujus successione, sicut antea D. Augustinus, ita & nunc omnia membra viva, & veræ Ecclesiæ gaudent. Verum sicut talpa, terra supercapta, oculis stellas, ita *Fidelis Admonitio* hæc videre, non potest.

## CAP. VI.

### Remissa culpa, remanet debitum luenda poenæ.

**H**unc scopum Indulgentiarum esse dicimus, quot sint ordinatæ à DEO in Ecclesia, ad amovendas, & avertendas poenas, & plagas temporales, tanquam remedium spirituale, quo autoritate & gratiâ summi Pontificis, clavigeri, redimuntur & persolvuntur.

*Fidelis autem Admonitio*, multum inficiatur huic veritati, dicitque? *Quod remissa culpa, maneat debitum luenda, & vicissim ad inventiones sunt humana, non revelationes divina, extra Scripturas traduntur, non ex Scripturis deducuntur (& infra) Probetur, remissa culpa manere debitum luenda poenæ.* Hæc eadem Lutherus antea objiciebat, quod scilicet nulla autoritate Scripturæ, Doctorum, Canonum, ut ratione probabili, potest doceri, talem esse aliquam poenam. Et vehementer absurdum esse dicit, quod in Ecclesia quicquam doceatur, cujus nec in Scriptura, nec in Doctoribus, nec in Canonibus, neque saltim rationibus, potest causa dari. Hæc Lutherus.

Imaginetur ergo Lutherus, quod poena peccatis prioribus debita, una cum culpa condonatur, atque id sive per fidem, sive per cujuscunq; Sacerdotis absolutionem. Hoc secum Lector expendat, an Luthero securius credatur, qui cuiq; Sacerdoti, tantam tribuit potestatem, ut à poena, simul, & à culpa, solvat peccatorem



20  
catorem etiam sceleratissimum; an Ecclesiæ potius, quæ fulta auctoritate Sacræ Scripturæ, Sanctorum Patrum, Canonum, ac fortissimarum rationum, in dubiè asserit, post deletam à Sacerdote culpam, remanere adhuc pœnam, quæ per quemcunq; legitimum Petri successorem, condonari potest? Verum, si Luthero non credimus, nihilo plus discriminis inde nobis imminet, quàm si cuilibet ex infimis fabularum Scriptoribus, non crediderimus: deinde, si credamus Ecclesiæ, docenti nonnullas in peccatore post condonatam culpam reliquias manere, tanto magis ad molestias pœnitentiæ subeundas, & cum exactiori sollicitudine suscipiendas, ipsi stimulamur.

Quocirca sibi, & Authoribus Fidelis Admonitionis, respondemus; his omnibus modis peccatorem ad pœnam tenere, ne putent scripturas nobis in hoc negotio deesse.

Incipiamus ergo à primo homine Adam, quis dubitare potest illum (qui tanta fuit sapientia præditus) post offensam statim respuisse? An forte juxta Lutherum, illico fuerat à pœna peccato suo debita liberatus? dat illi Deus benedictionem, absolvit à culpa, & promittit semen cotriturum caput serpentis; attamen dimissa culpa in Paradiso, pœna pro peccato non fuit dimissa, sed expellitur è Paradiso, in hanc lachrymarum vallem, ubi multæ pœnæ secutæ sunt, bella, homicidium, infirmitates, &c.

Deinde Moyfi & Aaron dictum est: *Quia non credidistis mihi, Deut. 32. ut sanctificaretis me, non introducetis populos istos.* Num credit *Fidelis Admonitio* cum suo Megalandro, eos diu ante non fuisse reconciliatos in gratiam? remansit tamen in utroque pœna peccato debita, unde & ambo tam severe puniti sunt, ut neuter eorum, tetram promissionis ingrederetur.

An non etiam Fratres Joseph Patriarchæ, diu postquam hunc vendiderat, pœnas facti sui dederunt in Aegypto? ut & Ruben clamaret: *Merito hæc patimur, quia peccavimus in fratrem nostrum.* Et tamen credibile non est, Patriarchas tantos nunquam interea pœnituisse, neq; culpam eis fuisse dimissam.

Num. 21.  
& 14.

Sed, & Maria soror Moyſi, infamem morbum meruit, ſive lepra ſecundum faciem percuſſa eſt, quia contra Moyſen fratrem ſuum murmuravit, cui tamen Deus culpam condonaverat.

2 Reg. 2.

Quid Heli memorem, qui cum audiſſet à Propheta Samuele, negligentiam ſuam acerbè puniendam, reſpondit cum patientia: *Dominus eſt, quod bonum eſt in oculis ſuis faciat.* credibile videtur, quod citò poenituerit, quod ex tanta conformitate ſuæ voluntatis ad divinam facile colligitur: poena tamen ſubſecuta eſt, quia non amplius erat in poteſtate illius, corrigere filios.

2 Reg. 12.

David quoq; , contrito corde, peccatum proprium deſſens, reſponſum à Nathan Propheta audivit: *Dominus tranſtulit peccatum tuum.* Poſt culpæ tamen remiſſionem, poena luenda remanſit. Nam Amon filius David ſororem Thamar ſædaſſe dicitur, & idem iſte Amon occiſus, & Abſolon Patrem regno pepulit, qui tandem lancea tranſoſſus, miſeram coactus eſt mortem ſubire. Idemq; David ob numeratum populum, poenitentiam agit, & à Deo in gratiam recipitur, & tamen poſt remiſſam culpam, datur illi optio, ut eligat poenam peccati, bellum famem, aut peſtem.

Psalm. 6.

Reſpondeat hic nobis *Fidelis Admonitio*, ſi poſt remiſſam culpam, nihil ſit in peccatore quod expietur, cur David cui de remiſſa culpæ erat compertiſſimum, tanto tempore ſeipſum afflixit, & per ſingulas noctes, tanto lachrimarum imbre, ſtratam rigavit ſuum? Et alibi dicit: *Afflictus ſum & humiliatus ſum nimis, rugiebam à gemitu cordis mei.* Et paulò poſt: *Quoniam iniquitatem meam annuntiabo, & cogitabo pro peccato meo.* Cur tam attentè, ſingulis, ſerè momentis, de peccato ſuo cogitavit? Et denique, cur petiit deleri ſibi iniquitatem, atque amplius à peccato ſuo lavari?

2 Paral. 26.

His addendus eſt Ozias Rex, quàm gravem meruerat offenſam Dei, eo quod ſacerdotium ſibi niſurpaverit; correptus à Sacerdotibus, mox poenituit eum facti, & cum illi dimiſſa fuiſſet culpa, remanſit tamen temporalis poena, nam miſeranda lepra percuſſus, quamdiu vixit leproſus fuit, & in domo ſeorſum habitavit, relicta filio ſuo regni ſui gubernatione.

4 Reg. 20.

& 16. 38.

Denum Rex Ezechias, quia legatis Regis Babiloniæ theſauros domus ſuæ reſeravit, in filio Manaſſe poenam dedit: Nam  
Manaſſes

Manasses carcere Babilonico mancipatus, veram fuisse Isaia sententiam comprobavit.

Simile quid in Achab rege accidit, cum enim impii in Naboth homicidii patrati, ab Elia Propheta graviter argueretur, poenituit eum sceleris, & in cinere & cilicio poenitentiam egit, cui dimissa est culpa sed poenas tanti facinoris, tota ejus posteritas dedit, quæ extincta fuit; ipse quoq; interemptus est.

Neque illud est prætereundum, quod Zachariæ Prophetæ contigit: Quis enim credat, cum esset vir sanctissimus eum non suæ protinus in credulitatis poenituisse, ac in gratiam cum Deo rediisse? Non fuit tamen sublata poena mutitatis inflicta, priusquam filius ei natus fuisset.

Hoc idem CHRISTUS consulere videtur, *Verum tamen*, (inquit) *quod super est date eleemosynam, & omnia munda sunt vobis.* In quo, non de purgatione culparum Christus est locutus, sed de reatu poenarum, pro quarum expiatione Eleemosynæ, inter cætera satisfactoria opera, numerantur. Sunt quoq; in eorum numero, Oratio, sejunium, & proprii corporis austeritas, & rigor, *Si nos ipsos dijudicemus, non utiq; judicemur.*

Ubi sunt ergo, qui audent asserere, post culpæ remissionem nihil poenarum luendum, & purgandum remanere? An non vident in omnibus iis scripturis apertum esse, quod poena quædam peccatis remansit debita, quanquam culpa pridem remitteretur? Viderent si uicerentur, sed quia abuntur scriptura, hanc veritatem videre nolunt; Unde quemadmodum vinum sanos juvat, & cor hominis lætificat febricitantibus verò, si sumperint, continuo interitum parit, ita scriptura nobis vitam, fideliter vero admonentibus perniciem confert.

Quid vero Patres in eadem re testentur, memorabimus: Si, utpote Orthodoxi, compertissimum habuerunt, in peccato propter reatum, poenam insuper peccato debitam contineri.

Et imprimis Athanasius in libro de blasphemia in Spiritum Sanctum sic ait: *Inter Baptismum & Poenitentiam hoc inter est, quod cum poenitentiam quis agat, cessat quidem à peccando, sed habet vulnere cicatrices, qui vero baptizatur, veterem quidem hominem exuit, renovatur autem ut denuò renatus, per Spiritus Sancti gratiam.*



Et Basilius in Homilia de Pœnitentia : Est spes post peccatum, (inquit,) est sanatio post ulcus, sed manet cicatrix.

Justinus quæstione 79. Cum omnium Regum Iſraelitarum, & Judeorum ardentissimum religionis studium præstiterit Josias, (inquit) qui factum est, ut gentili gladio vitam cum morte commutavit? In causa (inquit) fuit, quod non obtemperavit Hieremia præcepto, qui ei jussu D & I nunciaverat: ne in prælium exiret: Ut igitur eum parum à peccatis reciperet, sua inobedientia gladio gentili pœnas dedit.

D. Ambrosius ad quandam corruptam ait: Peccator ergo, si sibi ipsi non pepercerit, à D & O illi pacitur: Et si futuras pœnas gehenna perpetuas, in hoc parvo vite spatio compensaverit seipsum ab æterno judicio liberabit. Grande scelus grandem habet necessariam satisfactionem. Idem de Pœnitentia: Qui enim agit pœnitentiam, non solum diluere lachrimis debet peccatum suum, sed etiam emendationibus factis operire & tegere delicta superiora; ut non ei imputetur peccatum. Et Sermone 15. Nos quoq; (inquit) si tam grave peccatum fuerit, ut minimè solis fletibus abluatur, addamus misericordie oleum, acrimoniamq; jejunijs. Nullum autem tam grave delictum est, quod non purgetur abstinentia, Eleemosynis extingvatur, ista est Matth. 3. satisfactio qua alio nomine sic vocatur. Facite dignos fructus Pœnitentiæ.

D. Chrysostomus de Lazaro Concione 3. Vides (inquit) quomodo hic inflicta pœna, liberet à pœna qua illic est; Unusquisq; igitur se puniat, cruciet, affligat, ut depositis peccatis, multa cum fiducia, ad vitam æternam proficiatur.

D. Gregorius, Cogitandum summopere est, ut qui se illicita meminit commississe, quibusdam etiam licitis studeat abstinere, quantum per hoc conditori suo, satisfaciatur.

D. Cyprianus, Tractatu 5. de Lapsis. Orare oportet impensius, & rogare diem luctu transigere vigiliis noctes ac fletibus. ducere tempus omne lachrimis lamentationibus. occupare strato solo adherere cineri in cilicio volutari & sordibus post Diaboli cibum Christi perditum nullum jam velle vestitum post Diaboli cibum malle jejunijs justis operibus incumbere quibus peccata purgantur Eleemosynis frequenter insistere quibus à morte animæ liberantur.

D. Augu-

D. Augustinus, de peccatorum meritis & remissione, libr. 2. cap. 34. recte colligit: *Si dimissa culpa, nullus reliquus esset ad pœnam reatus, Adam profecto mortuus non esset teste Salomone, Sap. 10. Edixit eum Dominus Deus à delicto suo, atq; ita dimisso illo delicto, mors quæ est stipendium delicti, jam in eo locum habere non poterat.*

Item: Gravius est peccatum mortale actuale, quàm originale. Et paulo post: *Sed remota culpa originali, per baptismum, remaneat ejus reatus, carnis scilicet concupiscentiæ, multo ergo magis dimissa mortali culpa per penitentiæ Sacramentum remanet pœna temporalis.*

Item libro de Pœnitentiæ Medicina, cap. 2. *In hac (inquit) Pœnitentia majorem in se securitatem unusquisq; debet exercere, ut à seipso judicatus, non judicetur à DEO.*

Quod si & vetustiores adhuc requirat *Fidelis Admonitio*, Ecce, & Origines Homilia 8. super Levit. ait. *In vulneribus (inquit) corporum, postea quam curata fuerint, remanet interdum ipsius vulneris signum, quod cicatrix appellatur.*

Hæc breviter ut non libros Patrum describamus. Quorum sententias si *Authores Fidelis Admonitionis* ignorent, quanta est hominum inscitia? quod si norint, quanta eorum cum Megalandro impudentia, qui tot Sanctissimis, iisdemq; doctissimis Patribus, contradicere, palamq; negare, quod nec per Scripturas, neq; per Doctores posset ostendi, aliquando ejusmodi pœnam, peccatis esse debitam, non verentur.

Provocat deinde Lutherus Canones, quos fruti par est, non contempsisset, nunquam cum tanta pernicie deviasse. Verum ante Canones, id quod Divus Legislator Moyses non ignoravit, memorandum duxi: *Pro mensura peccati (inquit) erit & plagarum modus.* Quem locum Origines Homil. 8. explicans dicit in hunc modum: *Si peccator sum, numquid eadem erit mihi pœna, si semel peccavi, quod si secundo, & tertio, ac frequentius peccem? Non ita erit, sed pro modo & numero, & mensura peccati, etiam pœna quantitas metienda est.* Et infra: *Sicut igitur ad justiciæ decorem spectat, ut pro beneficiis, probi justum suscipiant premium, ita & pro noxiis, improbi pœnas dent commeritas.*

Hujus nostri propositi, etiam Canones comprobant veritatem, lic enim dicitur Canone de Pœnitentia distinctione: *Si sui*  
*Judices,*

Judices, (peccatores) fiant & veluti sue iniquitatis ultores, hic in se voluntariam penam, securissima animadversionis exerceant, temporalibus pœnis mutabunt æterna supplicia, & lacrymis ex vera contritione fluentibus, extinguunt æterni ignis incendia.

Eadem distinctione dicitur: Si temetipsum emendaveris, si te ipsum correxeris, pius est Dominus, & misericors, qui vindictam temperet ab eo, qui illam penitendo prevenit.

Et rursus de Pœnitentia distinctione 34. Productior enim est pœna, quam culpa, ne parva putaretur culpa, si cum illa finiretur & pœna ac per hoc, vel ad demonstrationem debite miseria, vel ad emendationem labili vita, vel ad exercitationem necessaria pœnitentia, temporaliter detinet hominem pœna, quem jam ad damnationem æternam reum, non retinet culpa.

Multi sunt in Canonibus, id genus alia, quæ apertè monstrant, manere pœnam debitam remissa culpa. Nihilominus tamen, sicut statua basi, ita fideliter Admonentes instituto innixi, à pertinacia nulla tenus decidere volunt. Quid si verò his fidem adhibere nolunt, quæ evidenter apparent in scripturis, quomodo id probari vult Lutherus ratione? an forte majoris auctoritatis apud eundem ratio, quàm Sacra Scriptura? Utinam extremæ maliciæ homines, qui nunquam, aut rarò fiunt meliores, si non scripturâ, saltim ratione ad veritatem adducantur. Hæc igitur est ratio, quâ nostrum propositum probamus. Peccatum non punitur per hoc, quod remittitur quoad maculam, sed omni peccato debetur pœna, secundum divinam justiciam, ergo post dimissionem maculæ, remanet reatus pœnæ. Minor est Sacræ Scripturæ, ubi supra, *Pro mensura peccati, &c.* & in Apocalipsi: *Apocal. 18. Quantum glorificavit se, & in deliciis fuit tantum date ei tormentorum & luctuum.*

Si dicere volunt ad majorem, quod per remissionem maculæ, tollitur omnis pœna, & sic nullus illius reatus remanere potest. Mirarer tantam subtilitatem, quam quia non audio, non arguo: dico tamen, quod dum peccatum remittitur quoad maculam, remittitur etiam quoad pœnam æternam, quæ dicitur ex-terminans, sed non quoad temporalem, quæ est corrigens, hæc distinctio est multorum Theologorum, præcipuè S. Thomæ, quam

Professo-



Professores Wittebergenſes, ſi non Theologi muti ſunt, concedere debent. Plures rationes ad probandam rem luce meridiana clariorem, non viſum eſt conveniens adferre his enim diligenter penſatis, non eſt in quibus hæc veritas redarguatur.

At inſtant, quod DEUS remittat culpam & non pœnam, temporalem, eſt blaſphemare DEI bonitatem, dimiſſo enim majori, multo amplius dimittitur quod minus eſt.

Reſpondemus hæc futilem eſſe inſtantiam, Nam Origenes ſuper hæc verba, Num. 14. *Annus pro die imputabitur* ait, Vulnus corporis, aut fractio oſſis, aut pedis, unica hora vel die fit, cura tamen ejus multos dies, & plurimum temporis exigit. Multo amplius vulnera animæ, non propterea medicus impius eſt, quia non poteſt tam brevi tempore curare vulnus, quemadmodum inſlictum eſt brevi tempore, ob id etiam congrua ratio eſt, ut vulnus pro qualitate plagæ medendi ſpacia accipiat. Longiorem, autem eſſe in hac vita pœnam, etiam culpa dimiſſa, DEUS voluit non abſq; ratione. Primo ut homo agnoſcat, quam ardua res ſit peccare in DEUM, ut de cæterò, eo diligentius caveat DEUM offendere. Quis nol leve ducit peccatum fore, ſi audit DEUM, tam facile dimittere culpam & omnem pœnam, tam æternam, quàm temporaneam, qui tamen dicit ſe vindicare peccata parentum in filiis, in tertiam & quartam generationem? Exod. 20. Altera ratio eſt, ut exinde DEUS cognoscatuſ miſericors & juſtus; Miſericors, qui condonat offenſam, id eſt, culpam & pœnam æternam. Juſtus, propterea imponit pœnas, quia exigit aliquam ſatisfactionem. Non igitur hæc doctrina & fides Eccleſiæ contemnenda eſt.

His ſic ſtantibus: ut cavillationi præveniatur, in dubiè aſſerimus, quod Chriſtus abſq; ſatisfactione poteſt relaxare peccata, & hic eſt alter modus, quo DEUS illa remittit. Legimus enim DEUM quandoq; remittere peccatum, quoad culpam & quoad pœnam, ut patet tum in latrone cum dicit: *Hodie mecum eris in Paradifo*. Tum remiſſione peccatorum, quæ fit baptiſmo: gratia ſiquidem baptizmatiſ, ſola ſufficit ad ſalutem æternam, ſi antequam baptizatus moriatur, novum peccati obicem, non ponat, ultimo baptiſmi effectui, qui eſt vita æterna.

Quamvis etiam Deus remittat peccatum, non remissa poena peccati, ut in superioribus autoritatibus, & exemplis Sacra Scriptura, & sententiis Patrum, perspicuum est.

Huic doctrinae, *Fideliter Admonentes* se subscribere deberent, si veram pietatem declarare, & veritatem constanter defendere cupiunt. Curare praeterea debent, ne, ut illis quibus dolent oculi, molestus est lucis aspectus, gratia autem tenebrae, sic & ipsa veritas ingrata, mendacium autem gratum & suave sit.

## CAP. VII.

### Indulgentiis, defuncti à poenis Purgatorii liberantur.

**D**ivus Augustinus in libro de Cura pro mortuis agenda, mortuorum memorias peculiariter approbat iis verbis: *In Machabeorum (inquit) libris legimus, oblatum pro mortuis sacrificium: sed etsi nusquam in Scripturis veteribus omnino legeretur, non parva hac consuetudinis claret autoritas, ubi in precibus Sacerdotis, quae Domino Deo ad ejus altare funduntur, locum suum habet, etiam commendatio mortuorum.* Hæc Augustini autoritas, quæ omni exceptione major est, multum adversatur, tam antiquioribus, quam recentioribus Hæreticis, qui Purgatorium negaverunt, & consequenter suffragia, ac Indulgentias mortuis prodesse negarunt.

Fides autem Catholica docet, animas defunctorum posse, juvari suffragiis viventium, quod si copiosè vellemus ostendere, necessario Tractatum de assertionem Purgatorii, (quod quidem est extra nostrum, pro tunc intentum) instituere deberemus. Illud tamen nosse est res apprimè necessaria Christianis, in quo pro multis delictis, animæ corporibus exura, velut aurum in fornace, purificationem accipiunt, priusquam in coelum admittantur. Prodest ipsius notitia, non solum, ut ex charitate subvenire studeamus, animabus illorum qui poenis illis detinentur, verum etiam nobis ipsis metum incutit, ne leviores facile culpas, admittamus: cum certò nobis constiterit, nos ob eas, in illis ignibus graves luri-

toros poenas, nec ante nobis in cœlum aditum patere, quam ab illis, per acerbos purgatorii cruciatus, fuerimus purgatissimi. Confert item, & spei nostræ, ne protinus ut morbus aliquis gravis, & letiferus, nos inopinatos oppresserit desperemus, putantes omnia vel levissima, de quibus hic non satisfacimus, in gehennâ debere puniri.

Noverant illud multi Sanctorum Patrum, sicut *Chrysostomus, Gregorius, Hieronymus, Ambrosius, Augustinus, Origenes, Athanasius, Dionysius*, & cæteri plurimi, quorum autoritas, apud *Fideliter Admonentes*, est tanquam nasus cereus, & tantum valet quantum placet, quantumq; in illorum partem est. Cum quibus tamen tutius est, imo cum tota Ecclesia Catholica stare & credere, quam cum ambitiosis Hæreticis, qui tamen nihil possunt, nisi quia dicunt: Non credimus. Quis autem velit Catholicorum, propter tam leves homines, fidem tot Sanctorum; de Purgatorio falsam fore credere? Absit.

Noverat illud, & ingenium Lutheri, dum ait: *Ego tamen & credo, Purgatorium esse, suadeoq; credendum, sed neminem volo cogi.* Hæc Lutherus. Neminem vult cogi, ut ipsi licentia fiat, quidquid libuerit, impune dicendi. Credit Purgatorium, & dignum ipsi visum est, quod credendum cæteris consulat, cur tamen neminem cogi vult ad id credendum, cum talis adactio cuiq; sit utilis? talem coactionem CHRISTUS docet apertissimè, in Parabola de cœna *Compelle Intrare*. Circumspectior vult Christo videri Lutherus, propterea post creditum, & suum Purgatorium, deterior in assertionem illius factus, sicut & in assertionem Indulgentiarum. dicit enim: *Rogo omnes, tam Bibliopolas quàm Lectores, ut ea quæ de Indulgentiis disputata, & scripta à me sunt, exurantur.* Antea Indulgentias aliquo modo faciebat, at nunc prorsus nullius momenti facit. Verum ita debuit dicere Lutherus, *Rogo ut ea quæ de Indulgentiis disputata, & scripta à me sunt, corrigantur, & auctor exuratur.*

Ac proinde, Lutricolis nunc Purgatorium persuadere, est oleo incendium restringere; sequitur enim Cretisa Cretensem Academia Lutherum.



His itaq; eorum postpositis erroribus, indubie asserendum  
est Purgatorium, & defunctorum animas ibidem degentes, ju-  
vari Indulgentiis, utpote quæ cum fidelibus viventibus vinculo cha-  
ritatis, eiusdemque fidei junguntur, ita quod unam Ecclesiam,  
Lib. 10. de & unum corpus efficiant, ut refert D. Augustinus: *Neque enim,*  
S. vit. Dei, (inquit) *piorum anima defunctorum, ab Ecclesia separantur, qua est*  
cap. 9. *regnum Christi.* Si ergo privati homines, defuncti possunt ap-  
plicare suas satisfactiones, cur non Summus Pontifex, satisfa-  
ctiones Christi & Sanctorum, qui est summus dispensator, in  
Spirituali thesauro Ecclesiæ, depositorum.

Quo autem modo auxiliantur Indulgentiæ defunctis, bre-  
viter explicandum venit. Tribus itaq; modis, nostris operibus  
suffragari possumus defunctis. 1. Merendo bonis operibus de-  
congruo. 2. Impetrando. 3. Satisfaciendo nostris passionibus,  
seu pœnalibus operibus pro illis. Cum igitur Indulgentiæ sint  
ut ante docuimus thesaurus passionum, aut satisfactionum, sive  
pœnaliū operum, consequenter dicendum est, Indulgentias  
dari defunctis, per modum suffragii satisfactorii, tantum ita  
quod Indulgentia per modum suffragii, conceditur ex thesauro  
Ecclesiæ, ut opus satisfactorium, per modum Ecclesiastici suffra-  
gii satisfactorii, hoc est, per modum, quo nostra satisfactoria  
suffragia opem ferunt.

Ex ista forte occasione, *Authores Fidelis Admonitionis* requi-  
runt. *Cur tam invidus & malevolus (Papa) filiorum suorum Pater*  
*est, ut non statim ex Purgatorio liberet animas defunctas, &c.*

Hæc quæstio, *Fideliter monentium*, quia Iesus non novit,  
deberet legem abstinere, & cavere pedibus nudis perrepere mon-  
tem, ne poeniteat suscepti. Levem conjecturam habens, invidum  
ac malevolum Papam, ex propria iudicat sententia, verum hoc ja-  
culum, in mittentem convenientius retorqueri debet, cum ni-  
hil sit, quod in iudicante placeat, si in toto corpore lingua dolosa  
Eccles. 28. displiceat. *Beatus qui testis est à lingua nequam.*

Sciendum itaq; est, thesaurum Indulgentiarum in Ecclesia  
repositum, non esse thesaurum hæreticorum, quo, quando & quan-  
tum, placet ad factiones domesticas, in perniciem Ecclesiæ utuntur,  
sed esse thesaurum Spiritualem, qui aliter conceditur vivis, ali-  
ter de-

ter defunctis; Vivis enim conceditur, per modum absolutionis  
judicialis, ex potestate clavium, dispensante thesaurum meritorum  
pœnalia CHRISTI, & Sanctorum, in remissionem pœnæ tem-  
poralis, pro actualibus peccatis debitæ, quare ut proprie viato-  
res, visibilesq; oves, ac membra hujus visibilis Ecclesiæ, subjectæ  
Pontifici Indulgentiis utuntur, per modum absolutionis: De-  
functis autem conceditur, per modum suffragii, auxiliando tātum,  
hoc est, Ecclesiæ satisfactoria, ad defunctorum liberationem di-  
rigendo.

Unde, aliud est, absolvere authoritative animas existentes  
in Purgatorio, & aliud est, dispensare authoritative thesaurum  
CHRISTI, & Sanctorum, pro illis, ut per modum suffragii, ab-  
solvantur; Secundum faciens Pontifex, non excedit fines juris-  
dictionis suæ, cum illæ animæ piorum, testante D. Augustino ut  
supra, ab Ecclesia non separentur. Primum autem facere non  
potest eo, quod illæ animæ jam sint in judicio divino constitutæ,  
ac proinde, Ecclesia earum causam cognoscere, & per consequens  
illas ligare vel absolvere non potest. Et præterea Pontifex, non  
habet authoritatem nisi in oves pascendas juxta illud Joannis :  
*Pasce oves meas.* Cujus pascuæ, defunctorum animæ, non sunt Joan. 21  
capaces, cum non possit ab eo doctrinam, vel Sacramenta, vel le-  
ges, & jura percipere: non igitur ei sunt subjectæ, ita quod pos-  
sint ligari vel absolvi.

Indulgentiam igitur, Summus Pontifex authoritative ex  
thesauro Ecclesiæ, confert existentibus in Purgatorio, per modum  
suffragii auxiliantis ad eorum sublevationem, confidens in divi-  
nâ misericordia, quod acceptabitur ad sublevamen eorum, qui  
in foro iræ & furoris Domini, puniuntur purgandi. Unde non  
temere Pontifices, Indulgentias ad mortuos extendentes, addunt  
particulam, *Per modum suffragij.* Quemadmodum enim Prin-  
ceps aliquis, alio modo ex publico arario liberat ære alieno ge-  
ratos, degentes sub sua jurisdictione, nimirum, absolvendo illos ju-  
dicialiter à debito & alio modo degentes alibi ut servos, nimirum  
subveniando illis per modum auxilii, cum pecunia: Ita etiam  
Princeps Ecclesiasticus, vivis utpote suæ curæ subjectis, applicat  
Indulgentias absolvendo, defunctis autem auxiliando. Et hic

Bylus huc usq; servatur in Indulgentiis pro defunctis, quod scilicet per modum suffragii datur, & hoc virtute clavium, cum sit ex autoritativa dispensatione thesauri Christi.

Unde in litteris Indulgentiarum pro defunctis, duo semper dicuntur, & quod Apostolica autoritate Indulgentia pro animabus in Purgatorio concedatur, & quod Indulgentia ipsa per modum suffragii, opituletur animabus in remissionem suarum poenarum.

Hac differentia posita de Indulgentiis, quoad vivos & defunctos; Non sequitur, quod Prælatus Ecclesiæ possit pro suo arbitrio animas à Purgatorio liberare, cum non sit in arbitrio ejus, sine ulla justa causa, dispensare Indulgentiam, aliàs dissipator, & non dispensator dicendus esset. Si enim Deus sic miseretur, ut tamen semper etiam servet cum misericordia justitiam, multo fortius id convenit ministro, ut dispensatio bonorum Ecclesiæ, discrete & ritè cum modoramine fiat. Alio qui nisi discrete fieret, Deus non acceptaret. Et bona Ecclesiæ Spiritualia, non debent dissipari, nec cōtra Divinam acceptionem distribui, quod fieret si sine modoramine, & discretionem ita, dispensarentur Indulgentiæ, quatenus totum evacuaretur Purgatorium simul.

Unde ad hoc quod Indulgentiæ valeant, requiritur causa conveniens Indulgentias faciendi: neque tamen imaginandum est, quod illa causa sufficiat, utilitas scilicet animarum, in Purgatorio degentium, respectu quorum, Vicarius CHRISTI habet potestatem, dispensandi thesaurum Ecclesiæ, sed requiritur alià causa particularis, pertinens ad honorem DEI & Ecclesiæ utilitatem.

Quare ratio sufficiens Indulgentias faciendi, est utilitas Ecclesiæ, & honor DEI, juxta illud: *Universa propter semetipsum operatus est Dominus*: ac propterea in concedendis Indulgentiis, Pontifex, plus arbitrari debet, gratiorem esse Deo causam Indulgentiarum, propter quam conceduntur, quam executionem justitiæ, quæ exercetur in expiandis animabus Purgatorii.

Præterea, requiritur nedum autoritas ex parte dantis, & causæ pietas, quæ comprehendit honorem DEI & Ecclesiæ utilitatem, sed etiam ex parte recipientis, charitas, nam ille, qui

D. Tomas  
4. dist. 20.  
q. 1. art. 3.  
q. 1.



qui suscipit Indulgentias pro defunctis, necesse habet adimplere opus injectum, & cum injecta opera non possint perfici per defunctos, requiritur omnino, ut viventes pro ipsis perficiant, talem autem qui perficit, oportet esse in charitate, sive in statu gratiæ, curareq; debet, ut ipse, Indulgentiam à culpa per Sacramentum Confessionis obtineat, quod si hanc charitatem caruerit, effectu etiam Indulgentiarum frustrabitur.

Sed, neq; contemnenda est sententia Cardinalis Cajetani, qui docet, omnes animas quæ in Purgatorio sunt, posse juvari suffragiis Ecclesiæ, de facto tamen non omnes juvantur, sed illæ solæ, quæ hinc meruerunt, ut juvarentur. Creditq; illorum animas, qui in hac vita oblivioni dant defunctos, satisfacereq; propriis peccatis negligunt, alienas esse à fructu omnium suffragiorum, juxta illud D. Augustini: *Quocirca hic omne meritum comparatur, quo posthanc vitam possit relevari quispiam, vel gravari.*

In Enchirid. c. 108.

Unde licet hinc multa pro eis fiant, tamen divina ulciscente justitia hujusmodi duritiam, detinentur: & hanc doctrinam Cajetanus dicit esse ad mentem D. Augustini, de Cura pro mortuis, ubi ait: *Non existimemus (inquit) ad mortuos, pro quibus curam gerimus pervenire, nisi quod pro eis, sive altaris, sive orationum, sive eleemosynarum sacrificiis, solenniter supplicamus; quamvis non pro quibus fiunt, omnibus prosint, sed illis tantum, quibus dum vivunt, comparatur ut prosint.* Et in Enchiridio: *Quia etiam (inquit) hoc meritum sibi quisq; cum in corpore viveret, comparavit, ut ei possent ista prodesse, non enim omnibus prosunt.* Ex hac igitur sententia, sequitur, quod, Indulgentiæ quæ suscipiuntur pro defunctis, prosunt illis, vel ad refrigerium, vel ad plenam liberationem, quibus & quando, & quantum, divinæ pietati placuerit.

His pensatis, videbit *Fidelis Admonitio*, cur Pontifex non plena manu, thesauro Indulgentiarum utatur. Verum, quid proficiet *Fideli Admonitioni*, quæ veritatem quærit, non in veritate, sed in vanitate? Verba copiosa componit, & interrogans, vincula necit, & tandem in verbis vitæ, lucra mortis negotiatur.

Miserere

Fid. Adm.  
fol. 160.

*Miserè nos cecos pronunciat. Verborum quidem magna, copia, at fructus nullus, aberrante loquacitate: vel si aliquis in-  
frans oris exitus est, tunc non nisi infortunium.*

Hilar. de  
Trinit.

*Sint Authores Fidelis Admonitionis quantumcundq; ad vi-  
num disertissimi, & inopiam suæ sapientiæ, contumeliosis verbis  
diffundant, non secus ac corpore tenues, veste se dilatant; hæc  
nos æquanimiter tolerabimus, hoc enim Ecclesiæ proprium est,  
ut tunc vincat, cum leditur, tunc intelligat, cum arguitur, tunc ob-  
tineat, cum deseritur, dum per sequitur floret; dum opprimitur, cre-  
scit, dum contemnitur, proficit, dum leditur vincit, dum arguitur,  
intelligit, tunc stat, dum superari videtur.*

## C A P. VIII.

### Conclusio.

Catholici summo consensu, credunt ac confiten-  
tur, Indulgentiarum thesaurum in Ecclesia  
esse & valere.



*Hæc Conclusio, ponitur contra Hæreticos, qui illas  
negant, blasphemant, oppugnant, toto cælo er-  
rant, nescientes Scripturas, de fide sine fide dispu-  
tant, cæci sunt, & duces cæcorum, qui non solum  
aliis, & sibi injuriam faciunt, sed etiam ore suo se Indulgentiæ  
gratia, & auxilio DEI, indignos, & pœna dignos judicant, & con-  
demnant: homines, alioqui miseri & infirmi cum sint, tamen cum  
superbis Phariseis & Scribis, medicum cum medicina, tanquam  
insani contemnunt, spernunt, & conculcant, Inimici crucis  
CHRISTI, principia religionis contra conscientiam, communem  
sensum, & consensum omnium fidelium, impudentissimè negât,  
tenebras pro luce, lutum & sordes, pro fonte & lavacro, male-  
dictionem pro benedictione, carcerem pro luce publica, stultis-  
simè & iniquissimè perversi eligunt, nesciunt de quibus affirmant,  
vel negent, & ideo notas contradictionis, ipsi manifestè incur-  
runt, & jam rei contradictionis, publico teneantur, qua remissio-*

*ne*

nem peccatorum ponunt, & Indulgentias negant. *Vs illi qui in* Juda cap.  
*contradictione Core abierunt.* 1.

Probabimus ergo hanc Conclusionem, siue Indulgentiarum usum in Ecclesia, non esse rem novam, ut falsò credunt Hæretici, quia sicut in lege sub Moyse, Sacerdotibus & Prophetis, Judæi, suo modo necessario Indulgentiis utebantur, ita in Evangelio sub Petro, Apostolis, & Successoribus Petri, per traditionem, usq; adhuc Christiani Indulgentiis necessario utuntur. Ac proinde, quia Indulgentiæ veteris testamenti, figura & umbra fuerunt Indulgentiarum novi testamenti, ideo Scripturæ, quæ leguntur de Jubilæis, & Indulgentiis, veteris testamenti, sunt Privilegia Jubilæorum & Indulgentiarum novi testamenti.

Vel sola traditio Sanctorum Patrum, possessio & perpetuus usus fructus Indulgentiarum, in Ecclesia Catholica, benè, legitime, & sufficienter probat, & confirmat, causam Indulgentiarum, contra Hæreticos. Ac præterea ubicunq; in Sacris Conciliis, & Canonibus historia Indulgentiarum habetur, inducitur, non tanquam nova institutio, sed tanquam memoria rei antiquæ: Morbus enim & medicina, sicut sunt simul natura, ita peccatum & Indulgentia. Linde sicut Deus contra peccatum originale, procuravit, ordinavit, & dedit, circumcisionem, & fontem Baptismi, ita contra peccata actualia, procuravit, ordinavit, & dedit pœnitentiam, absolutionem, satisfactionem, & thesaurum Indulgentiarum.

### Probantur Indulgentiæ. Primo, Authoritate Sacræ Scripturæ veteris Testamenti.

Hæc autem Scripturæ loca, sunt benè intelligenda, & in eo sensu, quem tenet Sancta mater Ecclesia Catholica, (cujus est judicare de vero sensu, & interpretatione Sacrarum Scripturarum) semper accipienda.

*Sanctificabitq; annum, & vocabis remissionem cunctis habitatoribus terra. Ipse est enim Jubilæus.* Levit. 25.

Plurimæ autem sunt, Sacræ Scripturæ autoritates, in quibus manifestum est, quia Deus Opt. Max. promisit pœnitentibus



**Psal. 114.** Indulgentiam. Unde David: *Fidelis Dominus in omnibus verbis suis, &c.* Et Apostolus: *Fidelis enim est qui repromittit.* Et paulo post: *Patientia etiam vobis necessaria est, ut voluntatem DEI facientes, reportetis promissionem.*

**Isai. 1.** *Lavamini & mundi estote, auferite malum cogitationum vestrarum ab oculis vestris, quiescite agere perversa, si fuerint peccata vestra ut coccinum, quasi nix dealbabuntur.*

**Isai. 4.** *Sanctus vocabitur omnis, qui scriptus est in vita, in Jerusalem: Si abluerit Dominus sordes filiarum Syon, & sanguinem Jerusalem laverit de medio ejus, in spiritu judicii & spiritu ardoris.*

**Isai. 33.** *Populus qui habitat in ea, auferetur ab eo iniquitas.* Interpretationem de Indulgentiis horum verborum Isaia habet, D. Albertus Magnus, super cap. 13. Zachariae.

**Jerem. 3.** Item Hieremiae: *Convertimini filii revertentes dicit Dominus, quia ego vir vester, & assumam vos.*

**Ezech. 11.** Item Ezechielis: *Si autem impius egerit poenitentiam ab omnibus peccatis suis, quae operatus est, & custodierit universa praecepta mea, & fecerit iudicium, & iustitiam, vita vivet, & non morietur, in iustitia quam operatus est vivere.*

**Osee 14.** Item Osee: *Hac dicit Dominus Deus, Convertere Israel ad Dominum Deum tuum, quoniam corruiisti in iniquitate tua. Tollite vobiscum verba & convertimini ad Dominum. &c.*

**Joel. 1.** Item Joelis: *Hac dicit Dominus: Convertimini ad me in toto corde vestris, &c. Quis scit, si convertatur, & ignoscat Deus, & relinquet post se benedictionem, sacrificium, & libamen Domino Deo nostro?*

**Ezech. 36.** Item Ezechielis: *Hac dicit Dominus Deus, in die qua munda-vero vos ex omnibus inquinamentis vestris, &c. scient gentes, quia ego Dominus loquutus sum.*

### Orant poenitentes pro Indulgentia.

**p. Paral. 36.** Rex Manasses, cum teneretur captus in Babilone, sciens hanc promissionem DEI, sic orat: *Tu Domine, secundum multitudinem bonitatis tuae, promissisti poenitentiam, & remissionem iis, qui peccaverunt tibi, & multitudine miserationum tuarum, decrevisti poenitentiam peccatoribus in salutem.*

Sic &c

Sic & Judith: *Posuisti vos tempus miserationis Domini, & in arbitrium vestrum diem constituisti ei, sed quia patiens Dominus, in hoc ipso poeniteamus, & indulgentiam ejus, fufis lachrymis postulemus, &c.*

Sic & David orat pro Indulgentia testante Divo Ambrosio, dum dicit: *Remitte mihi ut refrigerer priusquam abe im, &c.* Psalm. 38. *Miserere mei DEus secundum magnum, &c.* Et, *Benedixisti Domine 50. 84. terram tuam, &c.*

Item Micheas: *Quis DEus similis tuis qui auferis iniquitatem, Mich. 7. & transfers peccatum reliquiarum hereditatis tue. Non immitiet ultra furorem suum, quoniam volens misericordiam est.*

### Assequuti Indulgentiam, gratias agunt.

Isaiz dicitur: *Miserationum Domini recordabor, laudem Domini super omnibus quae reddidit nobis DEus, & super multitudinem honorum domus Israel, quae largitus est eis secundum Indulgentiam suam, &c.* Isa. 63.

Sic Anna gratias agit pro Indulgentia: *Exultavit cor meum in Domino, & exaltatum est cornu meum in DEo meo. Dilatum est os meum super inimicos meos, quia letata sum in salutare tuo, &c.* 1. Reg. 2.

Item Isaias: *Confitebor tibi Domine quoniam iratus es mihi contra, & versus est furor tuus & consolatus es me, &c.* Isa. 12.

Et Psalmista: *Scribantur haec in generatione altera, &c. Quia prospexit de excelsu suo, &c. Ut audiret gemitus compeditorum, ut solveret filios interemptorum.* Psalm. 101.

Item: *Benedic anima mea Dominum, &c. Qui propitiatur omnibus iniquitatibus tuis, qui sanat omnes, &c.* Psalm. 102.

### Exempla Indulgentiarum in veteri Testamento.

Primus Adam peccavit, & Indulgentiam consequutus. *Quia Sap. 10. DEus eum custodivit, & eduxit illum à delicto suo.*

Similiter Moyses & Aaron peccavit peccato diffidentiae, & Numer. 11. Dominus pepercit illis. Item 1. Reg. 1. tale exemplum est in Helcana & Anna uxore ejus.

Item peccavit David, peccato adulterii & homicidii, quod cum Nathan Propheta exprobrasset David, tum dixit David ad Nathan: *Peccavi Domino. Dicatq; Nathan ad David: Dominus quodq; transulit peccatum tuum, non morieris.*

3. Reg. 11. Item peccavit Salomon, & Dominus propter David patrem, pepercerat illi. Hoc in Achab, 3. Reg. 21. manifestum est, hoc in Ezechia rege Juda, 4. Reg. 20. & Isaia 38. cui dictum: *Audiui orationem tuam, & vidi lachrymas tuas.*

Joel. 2. Item Joel: *Zelatus est Dominus terram suam, & pepercit populo suo.* Nunc brevitati studentes non plura exempla adducemus. Satis enim est hæc esse, quæ Indulgentias, dari populo in veteri lege dicant.

### Probantur Autoritate Sacræ Scripturæ Novi Testamenti.

Supponimus autem, quod Sancta mater Ecclesia Catholica, sicut vincit Synagogam Sacerdotio, Evangelio, Sacrificio, Sacramentis benedictionibus, ita & Jubilæis ac Indulgentiis, juxta illud ad Hæbreos: *CHRISTUS purgationem peccatorum faciens, nunc melius sortitus est ministerium, quanto & melioris testamenti mediator est, quod in melioribus repromissionibus sancitum est, &c.*

Item 1. Petr. 2. *Vos autem genus electum regale Sacerdotium, gens, sancta, populus acquisitionis, &c.* Qui vero ab accepta justificationis gratia per peccatum exciderunt, rursus justificari poterunt, cum excitante Deo per poenitentia Sacramentum (& Indulgentias) merito CHRISTI amissam gratiam recuperare procuraverunt. Unde CHRISTUS talibus promittit Indulgentiam: Matth. 9. *Non est opus valentibus medico, sed male habentibus. Non veni vocare justos, sed peccatores.*

Matth. 11. Probatur ergo præcipuè illo testimonio CHRISTI: *Venite ad me omnes, qui laboratis & onerati estis.*

Hilarius dicit: *Legis difficultatibus laborantes, & peccatis sæculi oneratos, ad se vocat.* Et Hieronymus. *Gravia esse onera peccati, dicit.*

Divus



Divus Chrysostomus: *Non autem dicit, Venite ille, & ille, sed omnes, qui in sollicitudinibus, qui in tristitiis, qui in peccatis estis, non ut expetam noxas, sed ut solvam peccata. Et ego reficiam vos, id est, in omni quiete constituam.*

Item Joan. 4. *Qui biberit ex aqua, quam ego dabo ei, non sitiet in aeternum.*

D. Thomas super iisdem verbis: *Non de temporali, sed de spiritali aqua, Dominus dicit.*

Item Apostolus: *Quoniam quidem Deus erat in Christo, mundum reconcilians sibi, nec reputans illis delicta ipsorum, & posuit in nobis verbum reconciliationis, (Sanctæq; Indulgentiæ) Pro Christo 2. Cor. 5. ergo legatione fungimur, tanquam Deo exhortante per nos, obsecramus pro Christo reconciliamini Deo.*

### Christus & exemplum & præceptum Indulgentiarum.

Exemplum, quia in Cruce posuit orationem, pro Indulgentiis suorum inimicorum: *Pater dimitte illis non enim sciunt quid faciant.* Eodem exemplo orat Steph: *Actor. 7.* Hoc exemplo orat & mater Ecclesia.

Præceptum, quia sic docuit, sic præcepit dicens: *Cum orabitis dicite Pater noster, &c. Dimitte nobis debita nostra, sicut & nos dimittimus debitoribus nostris.* Matth. 6.

### Alia exempla Indulgentiarum in novo Testamento.

Petrus post peccatum negationis, conversus, *Marc. 14.* obtinuit Indulgentiam, & factus Apostolus, Unde de illo potest dici, *Ubi abundavit delictum, superabundavit & gratia.* Rom. 5.

Paulus persecutor Ecclesiæ, *1. Corinth. 15.* conversus, obtinuit Indulgentiam, *Actor. 9.* & factus Apostolus. Matthæus publicanus obtinuit Indulgentiam, *Matth. 9.* Zachæus, *Luca 19.* Magdalena, *Luc. 7.* Latro, *23.*

Unde Apostolus: *Habentes ergo Pontificem magnum, &c. Adeamus ergo cum fiducia, ad thronum gratiæ ejus, & misericordiam consequamur, & gratiam inveniamus, in auxilio opportuno.* Hebr. 4.

## Probantur Indulgentiæ Traditione

SS. Patrum.

Traditiones SS. Patrum, Hæretici, quatuor obulis non  
2. Thess. 1. æstimant, quas tamen æstimavit Apostolus, dum dicit : *State, & tenete traditiones, quas didicistis, siue per Sermonem, siue per Epistolam nostram* : & hoc nomine laudat suos Corinthios, 1. Cor. 11. quod Apostolica præcepta, quæ viva voce tradita jam acceperant, sedulò custodirent.

Hujus præcepti memores S. Patres, semper ubiq; traditionum DEI & Sanctæ matris Ecclesiæ fuerunt & ipsimet observantissimi, & ut à suis perpetuò observarentur, sedulò operam dabāt, unde multa de traditione scripserunt.

Et inprimis Tertulianus de Corona militis concludit. *Harum & aliarum hujusmodi disciplinarum, si legem expostules, Scripturam nullam inuenies, traditio tibi pretendatur autrix, consuetudo confirmatrix, & fides observatrix.* Hoc idem si videre cupis, reperies apud eundem paulo post.

Origenes, qui celebris & peretustus est author, ita scripsit super Epistolam ad Titum : *Hæreticus nobis habendus est, omnis ille, qui Christum se credere profitetur, & aliud de veritate Christiana fidei credit, quàm habeat definitio, traditionis Ecclesiastica.*

Idem libr. 1. Periarchon : *Ilia sola credenda est veritas, quæ in nullo ab Ecclesiastica, discordat traditione.*

Irenæus libr. 4. contr. Hæreses cap. 43. *Obedire oportet Presbiteris Ecclesiæ, qui Successionem habent ab Apostolis, qui cum Episcopatus successionem, charisma veritatis certum, secundum placitum Patrum acceperunt, &c.*

Dionys Chrysostomus in 2. Thessalon. 2. Hom. 4. in illa verba : *State, & tenete traditiones.* Hinc patet (inquit) quod non omnia per Epistolam tradiderint, sed multa etiam sine litteris : Eadem vero fide digna sunt, tam illa, quàm ista, itaq; traditionem quoq; Ecclesiæ fide dignam putamus. Traditio est, nihil quæramus amplius.

Theophilaetus super eadem verba : *State & tenete traditiones.* Vel hinc etiam perspicuum est, quod plerq; etiam sine scriptis, per Sermonem, id est, viva voce tradiderunt non solum per Epistolam, similiter

32  
similiter autem & hac, & illa fide digna sunt. Itaq, & Ecclesie tradi-  
tionem fide dignam existimamus Traditio est, nihil amplius queras.

D. Hieronymus in Epistolis: Ego te illud breviter admonendum  
puto, traditiones Ecclesiasticas, praesertim qua fidei non efficiunt, ita  
observandas, ut à majoribus tradite sunt.

D. Augustinus Epistola 86. In his (inquit) de quibus nihil certi  
statuit Divina Scriptura, mos populi DEI, & statuta majorum, pro  
lege tenenda sunt; & sunt pravaricatio divinarum legum, ita con-  
temptores Ecclesiasticarum consuetudinum, coercendi sunt.

Item de Civitat. DEI, libr. 19. cap. 18. Unde (inquit) certa  
fide tenenda sunt, non solum qua scripturis expressè sunt prodita, sed  
etiam, qua per traditiones Ecclesie Catholica credenda accepimus, &  
qua definita sunt super fidei & morum negotiis, per Cathedram Petri,  
vel per Concilia generalia, legitime congregata.

Si quis itaque cum Fidei Admonitione traditionem Ecclesie,  
sive Scripto, sive consuetudine valentem, non curaverit, Ana-  
thema sit.

### Probantur Indulgentiae testimoniis SS. Patrum.

D. Gregorius Magnus, Exponens illa verba Psalm. 50. Et se-  
cundum multitudinem miserationum tuarum, dele iniquitatem meam.  
Indulgentiam pretiosissimum thesaurum aestimat. Unde eun-  
dem concessisse plenarias Indulgentias, testantur gravissimi autho-  
res, praecipue D. Thom. in 4. Sentent. distinct. 20. q. 1. ar. 3. q. 2. Et in  
Epistola ad Episcopos Britanniae, absolute Indulgentias concessit.  
Quibuscumq, (ait) verè penitentibus, peccatorum remissionem, Apo-  
stolica, freti potestate, largimur: & insuper aeterna beatitudinis gau-  
dia, de omnipotentis DEI misericordia confisi, &c. Hac in registro  
D. Gregorii leguntur.

Idem Pontifex, fratribus Massilien Monasterii scribit: Ro-  
gamus (inquit) vos ex parte Omnipotentis DEI, & amore B. Petri,  
patienter supportare: quia citò DEO adjuvante. Abbatem vobis la-  
tum, remitemus, & auctoritate BB. Petri & Pauli, & nostra per  
istos, nobis indignis commissa, absolutionem, & Indulgentiam promit-  
timus, & cum benedictione concedimus.

D. Ambro-



D. Ambrosius de Pœnitentia libr. i. cap. 17. *Sed debemus (inquit) cavere, ne per remedium nostrum fiat Sathana triumphus, circumvenimur enim ab eo, si per nimiam tristitiam percat, quod potest liberari per Indulgentiam.*

Item super Psalm 38. exponens illa verba: Remitte mihi ut refrigerer priusquam abeam, & amplius non ero, dicit: *Hoc est, hic mihi remitte, ubi peccavi: nisi hic remiseris mihi, ibi remissionis requiem, invenire non potero, &c.* Et paulo infra: *Hic locus est venia postulanda: Deploremus igitur in terris, ut mereamur Indulgentiam.*

D. Augustinus, Tractatu 33. in Joannem, super cap. 8. Joannis, super illa verba: Vade deinceps noli peccare, dicit: *Malus fuisti heri, hodie bonus esto, & hodiernam diem in malicia peregisti, vel cras mutare semper expectas, & de misericordia DEI tibi plurimum polliceris, quasi ille qui tibi per patientiam, promisit Indulgentiam, promiserit tibi, etiam prolixiore vitam.* Et paulo infra: *Negare non possumus, quod contritis atque conversis, Indulgentiam DEus promisit.*

Idem D. Augustinus, multa scribit de Indulgentiis, in libro, *De vera & falsa Pœnitentia.*

### Probantur Indulgentiæ decretis Conciliorum.

In primis Sancta Nicæna Synodus, Canon. 11. statuit, ut qui se-  
riò pœnitentiam agunt, possint Indulgentiam aliquam ab Episco-  
po obtinere: *Licebit etiam (inquit) Episcopo humanius circa eos  
aliquid cogitare.* Sensus est, Licebit Episcopo de præscriptis pœ-  
nis, vel omnes, vel partem condonare.

Concilium etiam Ancyranum, paulò ante Nicænum celebra-  
tum, hoc idem docet. Deinde Cœcilium Laodicenum, Can. 2. Simi-  
liter Sancta Synodus Lateranens. & Lateranense Concilium sic ait: *Nos omnipotentis DEI misericordia, & BB. Apostolorum Petri &  
Pauli auctoritate confisi, ex illa, quam nobis licet indignis DEus li-  
gandi atq; solvendi contulit potestatem, omnibus, qui laborem pro-  
prie personæ subierint, &c. plenam suorum peccaminum, de quibus  
liberaliter*

*liberaliter fuerint corde contriti, & confessi, veniam indulgemus, & in retributione justorum, salutis eterne pollicemur augmentum.*

Easdem Indulgentias auctorit Concilium Constantiense, Sess. 18. & Basiliense, Sess. 24. & Lateranense, An. 1520. celebratum, contra errores & articulos Lutheri, inter quos leguntur quidam, quibus blasphemavit Sanctas Indulgentias, uti in decreto summi Pontificis contra ipsum, continetur.

Itaque, ab initio statim nascentis Ecclesiae, fuerunt Indulgentiae semper in usu, quam ob causam optime S. Cyprianus Cornelium Papam dicit recte egisse, quod in condonandis peccatis, liberalis fuerat inventus.

Quamvis autem auctoritatem Conciliorum Haeretici hujus temporis, qui caelum digito attingunt, contemnant, tamen ab illis deficere gravissimum est, ut S. Augustin. ad Januarium scribit Epistola 118. *Semper fuit in Ecclesia plenariorum Conciliorum, saluberrima auctoritas.*

### Probantur Indulgentiae rationibus.

Verus MESSIAS, Legislator ac Mediator, CHRISTUS PRIMA.

JESUS, Indulgentias una cum Sacerdotio, lege, sacrificio, & benedictione, ex Synagoga ad Ecclesiam transtulit, transplantavit, reformavit, confirmavit, auxit & perfecit. Ergo thesaurus Indulgentiarum in Ecclesia est. *Consequens* est evidens, *Antecedens* est Apostoli ad Haebreos, cap. 7. & 8. Translato enim Sacerdotio, necesse est, ut & legis translatio fiat, & perconsequens, translato Pontificatu & Sacerdotio ex Hierusalem Romam, necessario sequitur, quod lex Evangelii, & Sacrificia, & Indulgentiae, & benedictiones, ex Synagoga ad Ecclesiam Catholicam sint translatae.

CONFIRMATUR. Si nullae essent in Ecclesia Catholica (ut volunt Haeretici) Indulgentiae, sequeretur perfectiorem, & sanctiorem olim fuisse, in sua religione Synagogam Judaeorum, quam nunc est Ecclesia Catholica: sed Ecclesia Catholica in sua religione est perfectior, & sanctior, quam Synagoga olim fuit. Ergo in Ecclesia Catholica, majores nunc habentur Indulgentiae, quam

quàm in Synagoga fuerunt : *Sequella valet à destructione Consequenti, ad destructionem Antecedenti. Minor est Apostoli pluribus locis sed præcipue ad Galat. 3. ad Coloss. 2. Lex umbra futurorum, ad perfectum adduxit nihil, ad Hæbreos 7. Evangelium autem est lex perfecta libertatis.*

SECUNDA. Quidquid reducitur ad articulos fidei, ad præcepta DEI decem, & est pars fidei, illud est in Ecclesia, sed omnis Indulgentia Catholica, reducitur ad articulos fidei, & ad præcepta DEI decem, & est pars fidei : Ergo Indulgentia est in Ecclesia Catholica. *Major est vera, à definitione. Minor probatur, quoad primum & tertium. Dicitur in Articulo fidei Credo remissionem peccatorum, ad quem Indulgentia reducitur, tanquam species ad suum genus, vel pars ad totum.*

Unde D. Hieronymus in Epistola 154. ad Desiderium, quem hortatur, ut Indulgentiarum nomine veniat ad loca sancta, dicit : *Certe adorasse ubi steterunt pedes Domini, pars fidei est. Quoad secundum probatur, dicitur in præcepto : Memento ut diem Sabbatum sanctifices, sed quemadmodum Deus, præcepit Sanctificare Sabbatha, ita & Jubilæos, & Indulgentias, ut patet Levitici 25.*

Hæretici ergo, & Fideiiter Admonentes, quia fidem negant, negant & Indulgentias, vel quia blasphemant Indulgentias, fidem blasphemant, & Indulgentias oppugnant, quia fidem oppugnant.

TERTIA. Cujus rei CHRISTUS posuit signum, ostendit & dedit exemplum, & tradidit præceptum in Evangelio, illud debet esse in Ecclesia : sed Indulgentiæ, CHRISTUS posuit signum, dedit exemplum, & tradidit præceptum in Evangelio : Ergo Indulgentia debet esse in Ecclesia. *Major venit ab autoritate. Minor, Joannis 13. posuit signum, id est, lotionem externam pedum, propter conscientie internam ablutionem : dedit exemplum, quia Petro & discipulis, propriis manibus lavit pedes : tradidit præceptum, quia dixit : Si ergo, Ego lavi pedes vestros, dominus & magister, & vos debetis alter alterius lavare pedes. Exemplum enim dedi vobis, ut quemadmodum ego feci, ita & vos faciatis.*

QUARTA.



QUARTA. Christi Redemptoris merita, Beate Dei genitricis Virginis MARIE, & omnium electorum, sunt, & valent in Ecclesia, ergo & Indulgentiæ cum Jubilæo, *Consequentia*, valet, à causa ad effectum. *Antecedens* est Apostoli ad Hæbreos cap. 9. & 12. *Si enim sanguis hircorum & taurorum, & cinis aspersus, inquinatos sanctificat, ad emundationem carnis, quanto magis sanguis CHRISTI, qui per Spiritum Sanctum, semetipsum obtulit immaculatum DEO, emundabit conscientiam nostram ab operibus mortuis, ad serviendum DEO viventi?*

### Quod vero valeant Indulgentiæ, probat.

PRIMO. Quicunq; peccatis actualibus, mortalibus, venialibus, sese obstrinxerunt, illi necessario debent quærere Indulgentiam, ut aliquid valentem: sed homines communiter peccatis actualibus, mortalibus, & venialibus, sese obstrinxerunt: Ergo homines communiter necessario debent quærere indulgentiam. *Major* vera à definitione. *Minor* est, Ezech. 9. ubi dicit Dominus: *Repleta est terra sanguinibus, & Civitas repleta est aversione.*

SECUNDO. Principi Apostolorum Petro, necessaria fuit Indulgentia, ut aliquid valens; Ergo, & omnibus hominibus, *Consequentia* à superiori ad inferius. *Antecedens* est Joannis 13. *Petre, si non laverò te, id est, aqua salutaris Indulgentiæ, non habebis partem mecum.*

TERTIO. Probatica piscina Jerosolimis fuit necessaria, ut aliquid valens, Similiter Natatoria Siloe; igitur & Indulgentia eodem modo, *Consequentia*, à proprio signo, ad proprium signatum valet, *Antecedens* de primo, est Joannis 5. Quia in ea lavabantur infirmi, qui primo post commotionem aquæ eo. descende-  
bant, sanabantur, à quacunq; detinebantur infirmitate. De secundo *Antecedens* est Joannis cap. 9. Quia ibi secundum verbum CHRISTI, homo cæcus natus, suos oculos lavit, & recepit visum.

QUARTO. Omnis infirmus necessario debet quærere medicinam, & uti illâ, ut aliquid valente. Sed omnis homo est

infirmus, ergo necessario debet quærere medicinam Indulgentiarum, & uti illâ, ut aliquid valente, *Major est vera à causa sine qua non.* Minor est Isaia 1. *A planta pedis, usq; ad verticem capitis, non est in eo sanitas.* Vidit infirmitatem suam hanc David, propterea orat Psalm. 6. *Miserere mei D E U S, quoniam infirmus sum, sana me Domine quoniam conturbata sunt ossa mea.*

Q U I N T O. Pœnitentia omnibus est necessaria, ut aliquid valens. Ergo & Indulgentia, *Consequentia*, à proprio antecedenti, ad proprium consequens valet. *Antecedens est* Lucæ cap. 13. *Dico vobis, nisi pœnitentiam habueritis, omnes similiter peribitis.* Sic quoq; bene dici potest. Nisi Indulgentiam, & absolutionem mediante pœnitentia, obtinueritis, omnes similiter peribitis. Nam & pœnitentia, sine proprii Sacerdotis aut Episcopi absolutione, nihil valet, præsertim his, qui sunt extra Ecclesiam.

His præmissis rationibus, & probationibus Indulgentiarum, tum ex Sacra Scriptura, tum ex SS. Patribus, & autoritatibus Conciliorum, Nescio, cur *Authores Fidelis Admonitionis*, quibus observandi partes sunt delegatæ, ulterius cœcam speculationem excogitare debeant, nisi forte propterea, quia sicut ad solis radios, infirmi oculi non audent aspicere, ita virtutem, malitia contueri non audebit unquam. Sed dorso objecto discedet, victamq; se fatebitur. Jam possent relinquere admonitionem, de religione Papistica fugienda: Etenim *cœno puram aquam turbans, nunquam inveniet potum.* Non sperent eventum suæ intentionis; Nam licet serpens venenum habeat, quia tamen edentulus est, sibi illud habet. Unde quemadmodum, qui verâ fide subnixi sunt in tuto navigant, ita, & qui illa exciderunt, nunquam possunt consistere, sed longo errore circumacti, postremo in ipsa perditionis prærupta feruntur. Neque itidem sperare debent, aliquem effectum suæ Admonitionis, eo quod neq; legati, neq; conditiones accipiuntur ab iis, qui per dolum, atq; insidias, *petita pace, ultro bellum inferunt.*

## C A P. I X.

### Sequuntur levia Argumenta Hæreticorum.



On inficiaris, quia levia argumenta nomino, etenim non argumenta, sed *plaustra, convitiis onusta, abeuntia, extra omnem honesti metam*, dicenda essent. Vel si argumenta, tum illius lingvæ, cui dicitur: *Quo vadis?* at illa. *Erectura civitatem, eandem denuo subversuram.* Argumenta, non ex immediatis principiis, sed ex cratero litium deducta, non assensu, sed Lesbiis digna.

Pauca igitur ex illis adferam, & multa omittam, utpote, quæ ne crepitum quidem digiti merentur. Quid enim prodest de fecce haurire, quando veritas clara apparet, & hæc satis triumphat, si apud paucos, bonosq; accepta, nec etiam indoles ejus est placere multis.

#### Argumentum primum.

Indulgentiæ sunt inventum & figmentum humanum, & nugæ Papistarum, quibus deludunt populum Christianum. Ergo nullæ sunt *Antecedens*, quia sunt traditiones Papæ & Episcoporum. *Respondetur* Antecedens esse falsum, & probationem illius esse blasphemiam & contumeliam, ostensum enim est, Indulgentiam originalliter & principaliter esse per se à DEO, tanquam datum optimum, & donum perfectum, descendens à Patre luminum.

A Papa autem, ut à Ministro & Vicario CHRISTI, ac Successore Petri, dispensatore misteriorum, gratiarum, & Indulgentiarum DEI, juxta illud: *Sic nos existimet homo ut ministros Christi & dispensatores misteriorum DEI.* 1. Cor. 4.

#### Argumentum Secundum.

Ministris Ecclesiæ, non est tradita potestas à DEO, ad destructionem, sed ad ædificationem; sed Indulgentiæ destruunt satisfactionem, & dignos fructus pœnitentiæ, & funditus evertunt Ecclesiasticam disciplinam: Simulq; sunt remissiones bonorum operum. Ergo Indulgentiæ nullæ sunt. *Majorem* dicunt esse veram, & *minorem* notant, Respondetur concedendo majorem, est enim App-



foli, 1. Corinth. 13. Minor est mora. *διαβολῆς*; & cavillatio *ὀνειδίζου*, Indulgentiæ enim, si modo legitime & ordinatè fuerint concessæ, & in charitate, corde contrito susceptæ, non destruunt, sed ædificant: quia hominem ex faucibus Diaboli liberant, eripiunt, & conservant, tum ad amicitiam & gratiam DEI pœnitentes promouent. Signum est quia multi publicè confitentur, sub Indulgentiis in Ecclesia se tantum beneficii accepisse sensibiliter, ac si quis sarcinarum onus, ex eis deposuisset.

Unde Ecclesia, non ad destructionem, sed ad ædificationem Indulgentias largitur. Ac propterea Innocentius, de pœnitentia & remissione dicit: *Etenim pia mater Ecclesia, largitione Indulgentiarum, pios filios suos, ferventiores reddit, errantes revocat, desides excitat, otiosos animat, desperatos confortat, denique omnes filios suos armat, latificat, & munit.*

Hinc etiam manifestæ apparet, quod Indulgentiæ nō sunt remissiones bonorum operum, quia non remissum, sed potius recentem, & promptum faciunt Christianum, & voluntarium ad quæq; facienda, quando sic se ex misericordia DEI recognoscit absolutum.

Finaliter ergo dicendum est, quod Ecclesia bonorum est mater, & origo per Indulgentias, quibus fides crescit, spes nutritur, charitas augetur, conscientia purgatur, totius populi Christiani devotio fervet, pietas propagatur, mala beneficio nō pœna ad officium & disciplinam reformantur & reducuntur, Sacramenta frequentantur, morbi curantur, & omnia bona fidelibus, pariter cum Indulgentia veniunt.


Unde perversissima cavillatione usus est Lutherus dicens: Indulgentiam nil aliud, quam remissionem bonorum operum esse, ac propterea ipse, & illi, qui Sanctis Indulgentiis derogant, disciplinam profectò Ecclesiasticam enervant, ac funditus evertere conantur, & sine causa Ecclesiam Catholicam calumniantur. Sed proprium est Hæreticis, benefacta Ecclesiæ Sanctæ, in malam partem interpretari, aliena curare, suorum oblivisci, & scire *quomodo Jupiter duxerit Junonem*: Cæteras argutias hæreticorum non adduco, quia nil soliditatis habent, & ex dictis in Controversia, facile solui possunt.

Secunda.



## Secunda Pars.

De his, quæ passim in quinq; Capitibus Fidelis  
Admonitionis, continentur.

 Ogitanti mihi, de nimio strepitu, quo, tumultuose *Fidelis Admonitio*, in quinq; suis Capitibus, sonuit; & consideranti, quod sibi totus ille liber velit, coegit me nonnulla obiter indicare, gravitas criminatio- nis, ne dicam impudentia calumniæ. Nescio enim, quid secum grave cornicetur, *Fidelis* inepta taræen *Admonitio*, dum multa, citra pudorem, nudo capite, lupino aspectu, facit: nam sicut lusus in aera convertit caput suum, contra cælum, & sic ululat, sic *Fidelis Admonitio*, quæ adversus veritatem blasphematur contra DEUM, lusus est. Suscepit negotium, ab omni ratione, omniq; timorem DEI aversum; & conatur Laureolam in mustaceis quærere, & ex frivolis negotiis captare famam.

Admonet, in *Primo Capite*, ne alicui doctrinæ præbeatur assensus, sine prævia exploratione. In *Secundo*, infirmas rationes, quibus Catholici, suam persuadere satagunt Religionem pronuntiat. In *Tertio*, invicta quasi argumenta adfert, quæ transitum ad Papatum omnibus piis dissuadent. In *Quarto*, posse allegari gravissimas causas dicit, cur ab agnita semelq; suscepta Confessionis Augustinæ Doctrina, non sit desiciendum. Et tandem in *Quinto*, consilia, & solatia cordatis Christianis, tempore persecutionis deesse, non negat.

Hæc intendens *Fidelis Admonitio*, nititur arcem ex cloaca facere, studetq; malitia impellente, ultrò mendaciis, famam Catholicorum contaminare, eandemq; blasphemiam, execrationibus, sacrilegâ infamatione, cum quadam probrosa irreligiositate conviciorum, jaculata in fidem Catholicam, satis crudeliter lacerare.

Mihi

in l.c. Matt.  
Matth. 1.

Mihi itaq; hæc diligentius pensitanti, distavit ratio non ulcisci contradicendo, non propterea, quod non sit remedium adversus Sycophantarum morsum, sed quia me movit, in primis, aurea doctrina D. Chrysostomi dicentis: *Sicut Joseph dimisit pallium in manu meretricis, & fugit cum meliore pallio castitatis, ita & tu projice pallium in manu calumniatoris, & fuge cum meliore velamento justitiae*, non enim malitiosorum calumniæ bonos tangunt.

Tum præterea quia responsione indigna, neq; enim necesse habet convinci, quod sua statim professione blasphemum est. *Indigna responsione*, quia est mercenarium præconium, laudes, suæ perfidæ fidei, per adulationem oblatas, decantans. *Indigna responsione*, quia verba coquinaria habet, subaustum cibum, & lethale multum, hæreticæ fidei, dulcibus ac molli-bus verbis, educare satagit. *Indigna responsione*, quia sicut nihil deformius est, quàm respondere furiosis, ita nihil utilius, quàm tacere provocatis, unde plena victoria est, à clamatione tacere, & non respondere provocanti. *Indigna responsione*, quæ suis densissimis malitiæ tenebris, luce clariorem veritatem, effundere nititur, illamq; cane pejus & angve odit. Sed hanc malis displicere, laudari est, nullam authoritatem habet, ubi qui damnatus est, damnat, malè de solida veritate loquuntur, quia bene loqui nesciunt, faciunt, non quod meretur, sed quod solent. *Indigna Fidelis Admonitio responsione*, quæ ingredientis conviviorum, detractionis, doli, imposturæ, impudentiæ, injuriæ, velut ex cloacari pharmaca compositis, abundè referta est, oblita verborum Christi: *Neminem conciatu neg, calumniam faciatu, & contenti esote stipendiis vestris.* *Indigna responsione*, quia in crimen vocat omnia, probat nihil, & suam laudem quærendo, alios viles facit, ut alterius vituperatione, se laudari existimet. *Indigna responsione*, quia quæ suo merito placere non potest, placere vult cõtemptu aliorum.

Luc. 3.

Ad extremum, *Indigna responsione*, quia scimus injuriam propriam, non ulciscendam esse, Deut. 32. Matth. 5. Rom. 10. jubemur etiam injurias acceptas, oblivisci, Levit. 19. Scimus & injuriam dissimulandam esse, Proverb. 10. Et sic ultra felicitatem constat esse victoriæ, injuriam non vindicallè. Licet autem

Amis



Annus Simia serò capiatur, aliquando tamen capitur, ut cum malis bibat improbitatis fecem.

Nullam igitur refutationem, singulorum contentorum, in *Fideli Admonitione* propter rationes allatas, faciemus, generaliter tamen in capitulis contenta, excutiemus: & videbit unusquisq; qui sanæ mentis est, *Fidelem Admonitionem* multum insanire, adeò manifestè, ut nullam omninò fidem, nisi forte ab iis, qui pariter insaniant, mereatur.

## Fidelis Admonitionis

### CAP. I.

In quo cavet præcipitantiam in negotio Religionis.



Monet fideliter, ne alicui doctrinæ præbeatur assensus, sine prævia exploratione, in quo autem negotio non sit præcipitanter agendum, audiatur, quomodo *Fidelis Admonitio* dicat tria, ex sua curia.

1. Quando igitur sollicitamini fratres charissimi, ad capeendam religionem Papisticam, nolite iudicium præcipitare, non transire protinus ad castra illa, deliberandi tempus petite, ac sumite, quidq; religio Papalis sit, quid vobis ibi credendum & faciendum proponatur, attentè perpendite. Hæc *Fidelis Admonitio*.

Fid. adm.  
fol. 6.

Ecce quam optimè *Fidelis Admonitio*, minxit in Patrios cineres.

2. Nimis audax & temerarium est, ex abrupto sese profiteri socium doctrinæ Papisticæ, & tamen ignorare illius indolem ac rationem, neq; causas allegare posse prægantes, cur ista præ aliis electa fuerit, tales meri sunt hyppocritæ, neq; rem seriam agunt, sed cum religione ludunt, velut pueri cum astragalis. Hæc *Fidelis Adm.*

Ecce sus per rosas gradiens, purpuram juxta feces dijudicat, ad privatum commodum respiciens, temerarium pronunciat, ex abrupto sese profiteri socium doctrinæ Papisticæ.

3. *Caveatis (inquit) istam temeritatem, & levitatem, ob Divina Præcepta, religionis naturam, prudentiæ indolem, & periculi gravitatem.* Hæc Fidelis Adm.

Ecce *Fidelis Admonitio* quasi Dodonæum tintinnabulum, importunæ loquacitatis rationem linguæ non objicit, ne temerè diffuat.

*Perpendite (inquit) quid religio Papalis sit.*

Det *Fidelis Admonitio* cum suis ministris fidem, & omnem deliberationem, quoad trāsitum ad religionem Catholicam, excludet.

Religio itaq; Catholica est illa, quæ si remotis obstaculis, insanæ tuæ opinionis, nuda judicetur, nuda pensetur, nuda inspicatur, non alia appareret nisi illa in qua nobis CHRISTUS vitam aperuit, quare sine aliqua deliberatione, illuc est fastinandum, ubi semper vivitur.

Sed *Fidelis Admonitio* in sua oratione clamosa, hæc dicit:

Fid. adm.  
fol. 18.

*O Domine DEUS Patrum meorum ad novam eamq; Papisticam fidem capeffendum subinde sollicitor, Infunde mihi sedium tuarum assuetudinem sapientiam, &c. Ab Domine si inveni gratiam in conspectu tuo, ostende mihi faciem tuam, &c.*

O detractores, quomodo conceptam malitiam, quam retinere non potestis, simulatæ quodam verecundiæ fucō, adumbrare conamini? Videmus vestra suspiria alta (*Ab Domine, si inveni gratiam, &c.*) ex quibus, cum quadam gravitate, voce plangenti, egrediuntur maledictiones, calumniæ, imposturæ, & ψυδῶς.

*Ad novam (inquit) eamq; Papisticam fidem capeffendam sollicitor.* O splendidum mendacium! Forte nova, quia ante Sexaginta annos Wittebergæ non audita. Forte nova, quia vestra non nova. Et fortè temporibus Apostolorum omnes Ecclesiæ, omnes Urbes, Oppida, Familiæ eandem fidem & Religionem coluerunt, quam vos nunc profitemini. Utq; id affirmant *Fideliter Admonentes* dum de Sanctis Patribus dicunt. Atq; sic non hodierna

*dierna Romana. sed antiqua Apostolica, quæ itidem nostra est, religio- ni fuerunt additi.* Hæc Fidelis Adm.

Fid. adm.  
fol. 74.

Ego autem dico, quod ubi semel *Admonitio Fidelis* pejerat, ei credi postea, etiam si per plurimos DEos juret, non convenit. Hoc perjurium, ne dicam mendacium, nuper commisit. Quis enim credat, omnes Ecclesias, Urbes, temporibus Apostolicis, fidem ac religionem Lutheranam coluisse? Erant temporibus Apostolicis istæ Ecclesiæ Christianæ, Antiochena, Ephesina, Alexandrina, Romana, nunc alias ut omittam. Nominet unam ex his *Fidelis Admonitio*, si potest, quæ fidem Augustanæ Confessionis coluit, & profitebatur. Dicat, si potest, quænam ex omnibus Ecclesiis, quæ temporibus Apostolicis extabat, unquam verbum DEI prædicavit, aut Sacramenta ministravit, more Lutheranæ.

Quis postmodum credat, Sanctissimos Patres, Orthodoxam fidem profitentes, quorum (ut ait *Fidelis Admonitio*) fuerunt Monachi nonnulli, addictos religioni ipsorum fuisse. Producant in medium, unum talem ex Sanctis Patribus Monachum, qui non Religioni Romanæ, sed Lutheranæ quæ temporibus illis, non-  
Ens fuit, addictus fuerit.

Mendacia igitur noli dicere, sed vera omnia loquere, & dic religionem nostram, esse non novam, sed antiquam. Non enim novis Scripturarum excussionibus referta, sed Patrum Orthodoxorum sententiis, & consuetis Ecclesiæ mysteriis fulta: Hi fuerant semper Ecclesiæ pars magis eximia, non solum eruditione, verum etiam vitæ sanctimoniam fulgentes. *Non nova*, quia non frivole excogitata, sed illa, quam in Scripturis didicimus, & quæ per omnes gentes crescit, atq; in frumentis Domini conservatur. *Non nova*, quia non in unius Apostatæ cerebro fundata, sed in firmissimo fundamento, CHRISTO JESU, & in auctoritate Ecclesiæ Catholice extructa. Cujus hereditatem non habet, qui fidem Petri non habet.

Vestra igitur religio nova, ante centum annos, Lutheri opera (ut dicit *Fidelis Admonitio*) facta. Nova, scitis enim vestrum Megalandrum, adversus omnium Orthodoxorum Patrum præscorum sententiam, sua dogmata statuisse, & hoc quid aliud

H 2

est,

Augustin.  
cont. Ma-  
nich.  
Ambr. lib.  
1. de pœni-  
tent. c. 6.

fol. 46.



est, quam novam Sectam & hæresim introducere. ? *Nova*, Lutherus enim non solum Patres omnes, verum etiam Concilia contemnit, atque adeò totius Ecclesiæ, tot retro sæculis usurpatam consuetudinem, pro nihilo habet. *Nova*, Lutherus enim Scripturam Sacram perperam contempsit, spretis insuper Interpretibus, tam vita, quam eruditione clarissimis. *Nova*, quia veneranda Ecclesiæ Sacramenta dilaceravit, quæ Apostolico usu, ac tot sæculorum consuetudinibus, receptissima fuere. Et ut multa omittam. *Nova*, quia novam blasphemiam, Atheismum in præcepta ac legem DEI, ipsumq; DEUM, impudenter per hominem semper contradicentem evomit, dum super illa Pauli ad Gal. 2. verba: *Legi mortuus sum*, (dicit) *Legi mori nihil aliud est, quam ad legem non esse obligatum, ob eaq; liberum esse, siue ceremonialis, sit, siue moralis, certum enim est Decalogum solis Judæis esse datum, & non nobis.*

Nunc *Fidelis Admonitio* videat an hæc doctrina Lutheri essentialiter & (ut ipsa loquitur fol. 49.) quo ad suam constitutionem internam, simul cum Apostolis extiterit. Apostoli executores præceptorum CHRISTI, præcepta DEI servaverunt, & Lutherus negant illa sibi, sed Judæis dari. Præceptorum observantia, in toto Sacræ Scripturæ textu, commendatur Genes. 20. Levit. 26. Deut. 4. Josuæ 22. 1. Paral. 28. Matth. 5; & in aliis sexcentis locis, & Lutherus, ut novam, suæ proli excitare possit, fidem, nihil curat Decalogum.

Non te *Fidelis Admonitio* pudet, talem versutiam tueri, hominis Apostatæ, qui reus & debitor pœnæ est, ex quo præceptis DEI non obtemperat.

Audite præterea novam fidem vestram, audite ex inveteratæ malitiæ ore, novum dicterium; Audite novam blasphemiam illius, qui bipedum nequissimus est. *Opportet* (inquit Lutherus) *cor humanum legem DEI atque adeò DEUM ipsum supra modum odisse.*

190. O hominem, ne ligula quidem dignum! *Aperuit os suum. in blasphemiam in DEUM, blasphemare nomen ejus, & tabernaculum ejus, & eos qui in celo habitant. Verum cui impiè* (Luthere) *exprobrasti, & quem blasphemasti, contra quem exaltasti vocem tuam, & ele-*

Luth. tom.  
1. VVitte-  
berg. edit.  
fol. 189. &

Apoca. 13.

Reg. 14.

*Et elevasti in excelsam oculos tuos? contra sanctum Israel. Docuit iniquitas tua os tuum, & imitabis linguam blasphemantium, cōdemnabit te os tuum, & non ego.* Job. 15.

Hoc igitur novum Lutheri delictum, novum scelus, nova impietas, non ante audita blasphemiam, novam authoribus *Fidelis Admonitionis*, excitavit religionem, ac proinde, falsò admonitio dicit, doctrinam tam blasphemam Lutheri, essentialiter cum Apostolis extitisse, non minusq; malitiosè nostram fidem Catholicam, novam vocitare præsumit.

Hic perpendat Lector Catholicus, quomodo *Fidelis Admonitio* in hoc primo capite, multum laborabat, apparere veridica, & mendacissima est, ideò fugiat magis quàm viperas hæc ingenia, non aperta, non simplicia, sed astuta, & callida, & ad decipiendum parata, quorum finis facere fucum, & artificiosa dissimulatione deludere.

Sed, vel hinc primi capitis malitia convinci potest, dum ex Divinis Præceptis probat, in negotio religionis nihil agendum præcipitanter.

Audiamus Scripturam à *Fideli Admonitione* relata: *Si surrexerit in medio tui Propheta Jesuwita, & dixerit tibi eamus, & sequamur Deos alienos, audiamus Papam, invocemus Sanctos, &c. Non audias verba Prophete Jesuwita, Attendite, cavete, à falsis Prophetis, Monachis & Jesuwitis. Rogo vos fratres, ut observetis eos, qui dissensiones & offendicula, præter doctrinam, quam vos didicistis, faciunt, quales sunt Jesuwita hodierni, Pape parafiti, declinate ab illis. Quoniam multi Pseudopropheta, quos inter nunc sunt Jesuwita, exierunt in mundum.* Hæc *Fidelis Adm.* Fid. adm.  
fol. 6.

Hanc scripturam, *Fidelis Admonitio*, cujus Dea Impudentia, Attico: aspectu, protulit.

Reperiuntur ne quæso in Scripturis, illa additamenta, *Monachi, Jesuwita*, toties repetiti. Cujus est hoc comentum? Quis approbavit? ex quo textu Sacræ Scripturæ, Hebraico an Græco Monachos & Jesuitas transtulit? Verum, non sunt mirandi tam subtiles comentatores, subtili Megalandro gaudent, cujus velle, & jubere fuit, Scripturam viciare, Concilia ac Patres spernere, Sacramenta concutere. Et quid non faceret *Fidelis Admonitio*

Lutherus.

ad instinctum Lutheri, & Lutherus ad instinctum tanti Magistri, qualem se habere gaudet; scribens in Colloquiis mesalibus: *Quando cum hominibus sum, non nocet mihi Diabolus, cum vero me solum deprehendit, tunc docet me mores.* Et quos mores Luthere? Certè mentiri, cum sit mendacii Pater ab initio, & tu ejus clara progenies & discipulus. Certè flosculis conviciorum, magis, quàm argumentorum efficacia, uti.

Lutherus.

Adhuc plura potuit discere ab illo, ratione familiaritatis, ut enim apud omnes floribus insidet, à singulis quod utile est accipiens, ita Lutherus, doctrina cupidus, undiq; & de familiaritate Sathanæ, quæ sunt ipsi in perniciem utilia colligit. Scisne, *Fidelis Admonitui* Megalandri familiaritatem cum tanto Magistro? Ecce scribit ad Carolstadium: *Crede mihi (inquit) bene, imò valde benè Diabolum novi, quippe qui frequentius, & propius mihi condormit, quàm mea Catharina.*

Fid. adm.  
fol. 30.

O si tam familiaris, nunquit multa non potuit haurire de illa tenebricosa disciplina? Hinc vere dicit *Fidelis Admonitio*: *In nostra autem (inquit) Ecclesia non desunt, verè piè què eruditi viri.* Concedimus hanc vobis, sicut & Luthero eruditionem. *Vel solum (inquit) Lutherum plurimis Papistarum Doctoribus cum laude & veritate opponere possumus.* Potestis commode, sic à tali magistro instructum, qualem nullus nostrorum Doctorum habuit.

Hic Spiritus tanti Patris, non recessit de ore seminis sui, ex quo pullulavit hæreditas Wittebergica, & nacta tanti magistri doctrina, tale comentum illius Scripturæ fecit, toties ac toties Jesuitas, aliosq; Monachos replicando.

Justin. hist.  
lib. 1.

Pudeat vos tantæ cavillationis. Sed perit pudor, ubi Diabolus mores docet. Unde *difficile est ut parcat suis qui cum religionis contemptu, etiam adversus Deos grassatus est.*


Fidelis



# Fidelis Admonitionis

## CAP. II.

Refert Argumenta quibus Catholici suam  
persuadere religionem satagunt.

 Ollegit *Fidelis Admonitio* duplicis generis nostra esse. *Fid. adm.*  
argumenta. Quædam aulica & carnalia. Quædam *fol. 20.*  
Theologica: utraq; infirma judicavit, & in hypocritica  
oratione sua *raziunculas* nominavit. *fol. 83.*

O cæcam speculationem, quæ tam multa vidit! Quare  
infirma & vix (*ut ait*) consideratione digna? Sed iste censor ne *fol. 21.*  
in cœna quidem est laudandus.

Infirma igitur videntur *Fideli Admonitioni* argumenta no-  
stra *Primo*. Quia (ut fatetur in illa oratione, ubi flet ad novercæ  
tumulum) *Cæsaris & aliorum Magnatum obijcitur exemplum opes* *Fid. adm.*  
*& dignitates promittuntur. Provocant ad eruditionem suorum docto-* *fol. 84.*  
*rum. Extenuant fidei controversias. Urgetur antiquitas & origo*  
*Apostolica, &c. Cultorum sanctitas jactatur. Multa miracula cre-*  
*pant Monachi, &c. Propter has & alias fuitiles rationes, ac eorum*  
*noxiæ nostræ argumenta sunt infirma.*

Transseat censura nostrorum argumentorum: potuit ta-  
men *Fidelis Admonitio* abstinere, ab injuriosa ratione disuadente  
religionem Catholicam, dum dicit: *Religionem ergo quandam.* *Fid. adm.*  
*suscipere, sine sufficiente cognitione, & deliberatione, dumtaxat propter* *fol. 22.*  
*exemplum Cæsaris, & Magnatum, nimis impudens est, & magis ex*  
*adulatione, quam devotione proficiscitur, magisq; directum est ad*  
*captandam gratiam apud homines, quam apud DEUM.* Et alibi: *fol. 275.*  
*Adimuntur quidem pleraq; media, adsunt perpetuo varii susurrones;*  
*Tu nihilominus cor Regis habes in manu tua. Inclina illud ad ve-*  
*ritatis agnitionem & regiam mansuetudinem ut sub ejus Imperio*  
*Tibi etiam servire, & illasam conscientiam retinere liceat.* Hæc Fi-  
delis Admon.

Lingva quo vadis? Jam & Sacram Cæsaream Majestatem  
petis? Jam eandem asyllum & refugium adulatorum instituis,  
eidemq;

Ptov. 25.  
G. Pachimer. hist.  
lib. 10.

eidemq; varios fufurroneſ adſcribis? Jam eandem imprudentiæ arguis, & non agnoſcere veritatem judicas, quia tuam religionem non approbavit? Jam quidquid tibi in linguam venerit proferſ? cur non audis quid dicat Thales *Imperantem honora*? cur non audis Sapientem in Proverbiis, ubi docet: *Quod Principes non ſunt irritandi*? cur non obedis legi, quâ dicitur: *Inſidioſe ac Si-cophantica adminiſtrationis, reum accuſare Principem, utiquè non licet?*

Id tu modo attentas, dum multos profiteri fidem Catho-licam, ex adulatione ad Cæſarem, pronuncias, ipſorumq; ut adu-latorum, fautorem eſſe eundem, inferre ex tuo diſcurſu cogeris, quem tamen, ne ſuſpectum quidem eſſe hujus delicti, exiſtimare debuiſti, cujus mores valdè cauti, juſtiq; , ac ſalubres ſunt.

Fidel. ad-monit. fol.  
26.

Apparet *Fidelem Admonitionem* multum optaſſe religioni noſtræ, ſimulq; Invidiſſimo Imperatori, ſupremo Fautori ac Pa-trono ejusdem, vel maxime ex iis verbis hic illius favor, erga re-ligionem Catholicam deprehenditur, dum dicit: *Nonne omnia ſuccedebant proſperè, cum regno ejicerentur Jeſuïta, & premeren-tur Romani religionis ſocij, florentibus interim & triumphantibus Calvini aſſectis? Si dicant iſtam felicitatem non fuiſſe diuturnam, cogitent quid ſibi ipsis evenire queat ſimile, nescitur enim, quid ſerus veſper rebat, & , nondum omnium dierum ſoles occiderunt.*

Quid intendis *Fidelis Admonitio* & religioni Catholiciæ illis diebus, quorum nondum ſoles occiderunt optas, loquella tua manifeſtam te facit, nam & ἀσέλγης es, dum cupis evenire quid ſimile Catholicis, quod evenit Calviniftis in Bohemia, cu-pis ut ejiciantur Jeſuitæ, & premanantur Romani religionis ſocii. Sed ſcito quod grandem nunc

*Abluiſi Ethiopem, quid fruſtra? ab deſine.*

Prius Aquilam teſtudo vincet, quàm arma tenebrarum pro-pugnaculum lucis, ἀνιſία fidem, Diabolus Eccleſiam, nam

Homer.

*Ardua res homini eſt mortali vincere Numen.*

Deſine igitur ab hac plaga, quâ per linguam animo tuo vulnus incutis, dum Cæſarum exempla contemnīs: non enim te decuit tam loquacem eſſe, quæ es opus manuum, Rabbino-rum, Doctorem, Profeſſorum, Wittebergenſium, qui, ſitam  
multa

multa ut tituli sonant, sapuissent, nunquam, tam multa incautè loquuti essent.

Infirma videntur *Fideli Admonitioni* argumenta nostra *Secundo*. Quia ut illa dicit: *Cultorum Sanctitas jactatur.*

Ediffere nobis jactantiam nostram, & tuam malitiam velatam ostende. Progreditur itaq; *Fidelis Admonitio*, & ait: *Quod* Fid. Adm.  
fol. 72  
*alios concernit Divos, sanctulosq; Papales, & Monachalium Ordinum*  
*Authores, habuere quidem isti aliquam externe sanctitatis speciem,*  
*quâ deceperunt vulgus credulum, non tamen fuit eorum sanctitas ve-*  
*ra, & incontaminata.*

Ubiq; tibi *Fidelis Admonitio* eadem insania, semper *Ballionem* induci. Cur Sanctis, ad minus in quantum mortuis, non parcis? An ignoras quod *malum sit defunctis conviciari*? An non tritum inter vos, à sacris abstinere manus? An vos latet Homeri dictum: Archiloe.

*Cum Divo certare vero simul atq; cupit quis*

*Cuiq; DEUS bene vult damnum huic certe imminet ingens.*

Non potuisti hoc tuum petulans, ac maledicum os, à tanta blasphemia prohibere? Sed quid demiror scelus in Doctoribus Wittebergensibus, discipulis Megalandri, qui & ipse impiè dogmatizando, nec DEO pepercit. An discipuli in Servos DEI debent esse mitiores?

Attende *Fidelis Admonitio*, & hæc non verba sed rem esse, intellige, ostendam vestri Megalandri Atheismos, blasphemiam, in DEUM ipsam commissam, postmodum, non demirabor vestram, discipulorum ejusdem *ævoiar*, quâ poti, multa in viros Sanctissimos impudentissimè evomulistis.

Inprimis itaq; hæc ostendo? Cum solem Divinum, CHRISTUM JESUM, filium DEI, ejusq; doctrinam & vitam, unico statu non poterat extingvere Diabolus, ad sui, hoc est, Serpentis, assum; statim Pseudoprophetarum corda, lingvasq; & calamos, conatus fuit impellere, ad executionem suæ intentionis: & excellentissimum timpanum, infernalis melodix, adinvenit Lutherum, qui tanquam ebrius, multa quæ noluit, adversus DEUM blasphemavit.



*Primum igitur est: Quod Lutherus, id quod coquebat in animo ejusdem Sathanas, evomuit, quia tanquam tacitus latro furatus est gloriam CHRISTI. Sustulit enim illud Scriptum, quod habetur de CHRISTO DEO & homine simul futuro, Mai. 9. Parvulus natus est nobis, & filius datus est nobis, & factus est principatus super humerum ejus, & vocabitur nomen ejus, Admirabilis, Consiliarius, Deus, Fortis. Vocem ergo illam (DEI) penitus expunxit, alteram supposuit, quâ CHRISTI divinitas nequaquam deprehendi potest. Legat ista *Fidelis Admonitio* in ejus Bibliis, quæ Jenæ, Wittebergæ, Francfordiæ, Typis impressa sunt. Ex quo hominis astum, cum impietate conjunctum, licet agnoscere, quòd studio tam expressam vocem Spiritus Sancti, de CHRISTO DEO, ab Ecclesia DEI omnibus sæculis, & lingvis receptam, sustulerit: populisq; clarissimum Divinitatis CHRISTI testimonium, Germanica dictione, & satis impropria involuerit, atque subtraxerit.*

*Secundus Atheismus vestri Megalandri est, quia Sathana instigante, sicut Arianis, ita & ipsi, nomen Sanctissimæ Trinitatis displicuit: Unde tanquam bonus reformator, à Sanctissima Trinitate inchoavit, Sustulit enim illud ex Epistola D. Joannis Evangel: Tres sunt qui testimonium dant in cælo, Pater, Verbum, & Spiritus Sanctus, & hi tres unum sunt. Sic ex Litanis prorsus erasit, Sancta Trinitas unus DEUS, miserere nobis. Et hic ipse est Sathanæ astus, ut jaciens lapidem, illicò recondat brachium, & superfeminans zizaniam abeat.*

Postmodum, eandem vocem, Sanctissimæ Trinitatis, modò suscipit, modò rejicit. Quod modò illi placet, paulò post displicet, quod mane petit, meridie aspernatur, quo meridie delectabatur, eo vesperi offenditur, quod vesperi amabat, id manè odio habet, quod heri magni æstimabat, id hodie flocci pendit, cujus videndi desiderio superiori anno tantum non moriebatur, id hoc anno, ne audire quidem sustinet, quod lætitiâ ipsi modo, afferebat, id nunc mœrorem eidem summum affert. An vobis hæc parva injuria, Sanctissimæ Trinitati illata, per vestrum Megalandrum, videtur, à

*Tertia impietas Lutheri est*, ònm claustris pudoris semel perruptis, ubi sensim bellum indixit SS. Trinitati, jam apertius se prodidit, dum vocem illam constantissimè ab Ecclesia receptam (*Consubstantialem*) odisse protestatus est. *Anima mea* (inquit) *odit hoc nomen*. Itaq; aut cerrè Lutherus credidit personas Sanctissimæ Trinitatis, non ejusdem & unius essentiæ, (quod sanè omnem perfidiæ metam excedit) aut sanè dicendum est, ipsum adactum à Dæmone fuisse, ut, quod ignoraret, blasphemaret. Hæc blasphemia subinde cæteris ostium patefecit, primo ad conuersionem, deinde ad pernegandam Sanctissimam Trinitatem.

Luther. ad-  
versus Ja-  
cob. Lato-  
num.

*Quartum scelus vestri Megalandri est*, dum disrupta vipersera, insauitiam Atheismorum sobolem, simul erupit. Profigitur enim se Nestorianum, in suis magnis Postillis, dum ait: *Imperitos quosdam, facere Christum hominem Omnipotentem*. O pessimum Moschum, canentem Bæoticum. Tam enim multa, & omnem nequitiam superantia, hæc de re, eodem in libro evo-  
luit, nemo ut sit, qui, si paulò cordatior esset, Lutherum, ejus-  
que sectam peruersissimam, non abominaretur, atq; abjiceret. Nam non satis habuit, asserere Eutychem non fuisse Hæreticum, sed adjecit, fore in die judicii cum CHRISTO, aliquos hæreticos judices, inter quos, cum Nestorio numerat Eutychem, Leonem autem (addit) cum Cyrillo damnatum iri.

Conc. de  
Nat. Dom.

O dictum superans omnem procacitatem! Oro te, quisquis es istis laqueis implicitus, per æternam salutem tuam, cernis ne hunc apostatam, unum transfugam, novos jam Assessores cœlesti Regi, ex inferno attribuentem? nescio quare adhuc detineamini, quin resipiscatis; quasi vero Redemptor, ac Salvator vestret, esset Lutherus.

*Quantum est, quod Lutherus* dirigente architecto Sathanà, construxit; Christum in cruce ob dolorum acerbitem, de anima dubitasse, & non satis habuit, hæc cum Arianis sentire, verum & DEUM esse passum, apertè adversus Zwinglium pronuntiavit.

Luth. lib.  
de Concil.

*Sextum est*, quod ille asseruit, quem vos plurimis Papistarum Doctoribus opponitis; Cum enim decebat omnem injusti-

Luth. Eu-  
rethone-  
horizat.

nam & perfidiam implere eum, qui tam bellè Synodos, Academia omnes, Ecclesiam totam, reformaturum se jactabat, oportuit eundem hæc omnia, quæ antea protulit, in malicia superare. Id autem nunc planius ostendo: Ac primo, quemadmodum cum timeret permiscere naturas, divisit cum Nestorio personas, sic dum vitare Nestorium voluit, incidit in Eutychis impietatem prorsus, ut in eum illud quadraverit, quod quidam Poeta cecinit:

*Dum vitant stulti vitia, in contraria currunt.*

Luth. ser.  
de Sac. Cœ-  
na Dom.

Extat Lutheri liber, quem inscripsit de Cæna Domini: In eo soli humanitati & non divinitati passionem CHRISTI tribuit: deinde, ipsam Domini humanitatem, evehit in Divinitatem, dum ait: *Necesse est eam Christi essentiam, quæ est cum DEO una persona, longissimè extra creaturas collocari, ideò, tàm longè quam DEUS ipse extra creaturas est.* Et alibi *Credimus* (inquit) *quod CHRISTUS JESUS, sit juxta humanitatem supra omnes creaturas collocatus, & omnia impleat.* Ex quibus verbis judicium Theologorum esto, quam prorsus illud colligatur: Si CHRISTI humanitas extra ordinem creaturarum sit, non esse creatam naturam, sed essentiam increatam: quare nec amplius humanitatem, sed divinitatem esse dicendam. Quin vero, si tantum humanitas CHRISTI absit à creaturis, (quod ad indignitatem attinet) quantum abest ipsemet DEUS, erit infinitæ dignitatis, atq; eminentiæ: quare, aut erunt duæ naturæ infinitæ, aut CHRISTI humanitas erit conversa in DEitatem. Aperiant oculos seducti, & hanc veritatem considerent.

Sed quid debeo commemorare illius Atheismos infinitos, quibus replevit totam sui operis scripturam? Hæc pauca pio Lectori sufficiant, ex quibus quam impiè ipsum DEum Lutherus blasphemaverit, constat.

Nunc igitur non demiror Tuam, ó *Fidelis Admonitio*, demerentiam, quâ in Sanctos, quorum nomina vivunt in æternum, insurrexisti. Eundem Scyphum bibis, quem & parens tuus, uno tenore canis. Ille DEUM, non mirum si tu Sanctos blasphemas, quia semper graculus assidet graculo,

Verum.



Verum ne hæc sicco pede transeant, doceas nos, Cur illorum, qui erant Monachalium Ordinum Authores, non fuit Sanctitas vera, & incontaminata? *Quia* (inquit) 1. *Superstitiosa*, 2. *Pharisaica*, 3. *Fabulosa*, 4. *Falsis hypothesebus superstructa*.

Nihil tibi suavius esse video, quàm de rebus alienis loqui. Quatuor protulisti, & ignoras, quod ad bonam causam, tria verba sufficiant: jam illud quod erat in mente amente tua, pleno de pectore manat, hoc tamen dolendum, quod semper immodesta verba fundis, & Sermonibus tuis nulla mens inest.

Examinabo igitur tuam probationem, qua negas veram Sanctitatem esse fundatorum Ordinum, & quod verum erit, facti curabo.

Imprimis dicis eam fuisse *Superstitiosam*, & *probas*. *Quoniam in Electicis cultibus fundata*. Mentiris *Fidelis Admonitio*. Ad hoc enim cuiuscunq; religionis operatendunt, ut DEI præcepta, non Electici cultus, serventur. Ulterius, *Posthabitis Sacris litteris, peculiares modos finxerunt*. Itidem mentiris. Hæc enim sunt potiora omnibus statutis & regulis, quæ omnia in hunc finem reducuntur, ut præcepta DEI serventur, & ob id religionum Scholæ sunt, quatenus voluntas DEI doceatur ex Sacris litteris, atque impleatur. Unde vita Monastica, quam illi Sancti Patres instituerunt, non pugnat cum Christianismo, cum sit à Prophetis prænunciata, Patribus à Spiritu Sancto inspirata, in Consiliis CHRISTI fundata, Sanctorum primitivæ Ecclesiæ usu observata, & ab Universali Ecclesia tot centennis annis, per universum orbem approbata, ut impudentissimum sit, ea in dubium revocari.

Ulterius. *Peculiares modos, eosq; plane superstitiosos, finxerunt*. O quam Excellenter blasphemasti? Væ labiis scelestis: mox videbimus, an tua hæc malitiosa quasi veritas stare possit. Ulterius. *Peculiares modos, sepè etiam ridiculos, sibi finxerunt*. Ridiculos apud vos, & pariter insanientes.

Unde hanc Superstitiosam vitam SS. Patrum deprehendisti? *Ex sola Legenda* (inquit *Fidelis Admonitio*) *Dominici &*

*Francisci,*

*Francisci, in qua leguntur tot Superstitiosa & puerilia facta, ut illos citius, &c.*

Quid tandem *Fidelis Admonitio* legisti, in vita Divi DOMINICI & FRANCISCI superstitiosum? non pudet tuos Autores, tam futilia verba protulisse? qui, si Theologi sunt, definitionem superstitionis norunt, & quomodo quadrare possit gestis Sanctorum, unde probabitur?

D. Thom.  
22. q. 92.  
ar. 1.

Scisne *Fidelis Admonitio* quod Superstitio sit, vitium religioni oppositum, secundum excessum, non quia plus exhibeat in cultum, divinum, quam vens religio, sed quia exhibet cultum divinum, vel cui non debet, vel eo modo quo non debet. Edissere igitur, quid Divus DOMINICUS & D. FRANCISCUS tale fecerint, quod fuerit contrarium religioni, vel qualem cultum alias alicui non debitum, exhibuerint? Expecto vocem, loquere aliquid, sed tu statua, taciturnior, quasi caput sine lingua appares, non secus, atque tui Muti Magistri.

Ad extremum penes Superstitiosam Sanctitatem, moriones amentes. Divus DOMINICUS & FRANCISCUS à *Fidelis Admonitione* pronunciantur.

Arist. 7.  
Ethic.

Decuitne Tuos Autores, & quidem Christianos, tale stultiloquium, & scurrilitas? Illi ne sunt Doctores facultatis Theologicæ, qui expressam definitionem amentiar, Sanctis Patribus DOMINICO & FRANCISCO convenire existimant? Amentes dicuntur, qui à natura expertes rationis, solum sensuum munus exequuntur, immanes quidem, belluarumque similes habendi sunt, ut quadam genera barbarorum, procul habitantium, ita Philosophus. Profertur legenda, ipsos esse à natura expertes rationis, vel quid simile? Jam video, quod mortuo leoni & lepores insultant, sed nihil profecto stultius, neque stolidius, neque mendaciloquius, neque argutum magis, neque confidentiloquius, neque perjurius, vobis, qui hanc turpem, & procacem dicacitatem effutistis, quæ sapientibus dolorem excitant. O sacros Pisces Doctores Wittenbergenses, qui squillas à sepulchro vellant, & tanto intensius de alieno judicant, quanto suam recordiam, & delirium profundius ignorant.

Citius (inquit Fidelis Admonitio) illos Moriones fuisse & mentes, quam viros Sanctos, DEUM verè colentes, inde concludendum sit. Unde concludis? Ex proprio cerebro, quod simul & aure, & mente, & oculis cœcum est vel ex proprio Capite; quod cerebro caret. Hæc concludit tuus animus, cui per libidinem corrupto, nihil honesti inest.

Postmodum (Fidelis Admonitio) sanctitatem prædictorum Patrum, Pharisaicam, Fabulosam, falsis hypothesebus superstructam, vocat.

*Talia nate loquens, haud multo tempore vives.*

Homer.

Sicut insensu Authores Fidelis Admonitionis leves, ita & in loquutione præcipites, quia quod levis conscientia concipit, levior protinus lingua prodit: Et ignorant sapientissimum dictum Sancti Hieronymi: *Verba volvere, & apud imperitum vulgus admirationem sui facere, indoctorum hominum est. Nihil tam facile, quam vilem plebem, & indoctam, volubilitate lingua decipere, quæ quicquid non intelligit, plus miratur.*

Hieron. ad  
Nepotian.

Dum igitur dicis, *Fidelis Admonitio, Pharisaica, Fabulosa, &c.* verba voluis, quibus citra honestatis nitorem, lingua tuorum Authorum polluitur infranis: per quam conscientia sordidissima manet. *Verba voluis:* quibus tuos Authores, Dicaces, lingvaces, locutuleos, bombaliones, ac futes ostendis. *Verba voluis:* speciosa verbis, sed re inania, & subdola; & quod intus latet, nihil est præter mendacium, & injuriam, quæ injustè irrogata, ejus infamia est, qui fecit. Eamq; non vindicamur, quia: *Quidquid à quolibet hominum passi fuerimus injustè, aut remissionem accipimus omnium peccatorum, aut si tanta in nobis delicta non fuerint, clarioribus honorabimur coronis.*

Senec. in  
Epist.  
Chrysof.  
sup. Mat.



# Fidelis Admonitionis

## C A P. III.

Recensens firmissimas rationes, quæ transi-  
tum ad Papatum omnibus piis  
dissuadent.



Am firmissimæ vestræ rationes sunt, sicut Hercula-  
nus morbus, cui, queritur an medicorum ope succurri  
possit? His omnibus collectis, unicum argumentum.  
*Fidelis Admonitio* necit.

Fid. adm.  
fol. 228.

*Quæcumq;* (inquit) Religio plurimis peccatis ansam suppeditat,  
ut eam nemo amplecti possit; quin de istis peccatis, & peccatorum sup-  
pliciiis participet, illa utiq; religio non capeßenda, sed summo studio  
fugienda: At qui Papalis religio plurimis peccatis ansam suppeditat,  
ut eam nemo amplecti possit, quin de istis peccatis & peccatorum sup-  
pliciiis participet; Ergo Papalis religio non capeßenda, sed summo stu-  
dio fugienda est.

Ad hoc argumentum respondeo, Concedendo maiorem,  
Ad minorem dico, quod committit fallaciam, non quidem aliquam  
ex libris Elenchorum, sed extra, quæ est Fallacia Mendacii, ἀπα-  
της, calumniæ, omnisq; versutiæ.

Fid. adm.  
fol. 232.

Verum *Fidelis Admonitio* probat Minorem: Peccata (inquit)  
cerno plurima, quibus Universus Papatus est obrutus, & quibus ansam  
dat ipsa religio Papistica, ut sunt idololatria, contemptus verbi tui  
scripti, perjuria, tyrannis, concubinatus, Sacrilegium, simonia & se-  
milia. In hac probatione:

Ovid. 5.  
Trist.

*Sive locum specio, locus est inanimabilis, & quo  
Esse potest, toto tristius orbe, nihil  
Sive homines, vix sunt homines hoc nomine digni,  
Quamq; lupi seve plus feritatis habent.*

Habet hæc tua probatio, ô *Fidelis Admonitio*, currum pro-  
prium, rotis quatuor consistentem: Sevicia, Calumnia, Audacia,  
Impudentia. Valde iste currus velox est, ad effundendum  
sanguine

sanguinem, qui nec innocentia sistitur, nec patientia retardatur, nec timore franatur, nec pudore inhibetur. Quis unquam (demptis vobis) propositionem, sic minorem contra Catholicos probavit, Quis talia Catholicis adscripsit? Nullus, excepto vestro patre blasphemiae Lutheri, qui si Deo non, cur nobis, parere debet.

Sic igitur dicere debuisti, & inferre minorem: *Sed religio Lutherana, plurimis peccatis ansam suppeditat, ut sunt blasphemia* quam Magister vester Lutherus, cum antiquis Hæresiarchis, toties, ut antea dixi, commisit. *Perjuria*, quia juramento fracto, & religionis voto conculcato, insignis Apostata factus est. *Sacrilgium*, attestatur sua Catharina, & similia, quibus addenda, *commercium Diabolicum*. Hæc religio Lutheri suppeditavit, credo quod & vestra, si enim de quo magis, & de quo minus. Ergo (quisquis sanæ mentis es inferas) religio Lutherana non capeffenda, sed abominanda est.

Et illud quid sibi vult, cum dicis: *Si perpendo præcipua Patris dogmata, video plerumque esse, partim dogmata & præter, partim dogmata & contra Scripturam excogitata. Nihil invenio de Invocatione Sanctorum, nihil de cultu reliquiarum, nihil de Purgatorio, &c. nihil de Monastica vita, &c.*

Fid. Adm.  
fol. 231.

Semper tu in Sacra Scriptura nihil. Vidisti copiam Scripturæ, asserentis Indulgentias, tantam pro singulis punctis, de quibus nihil es in Scriptura, si non esses *hypocrita*, videres. Noli palpare scripturam in tenebris, & hoc quod nihil in Scriptura dicis, reperies.

## Fidelis Admonitionis

### CAP. IV.

In quo causæ allegantur gravissimæ, cur ab agnitione, semelq; suscepta Confessionis Augustanæ doctrinæ, non sit defiendum.



Udiamo istas rationes gravissimas, *Quia hac sola*  
(inquit) *religio Lutherana est, qua hominum mentes-*  
*mire afficit, &c. Hac sola est, qua afflictos efficaciter cri-*  
*gere, tentatasq; conscientias solari, & tranquillare po-*  
*test, &c. Hanc primitiva Ecclesia docuit, hanc prisce*  
*Patres defenderunt, &c.*

Crederem tibi, si non convenientius veritati credendum.  
esset, aliter enim describit Sacra Scriptura vestram religionem,  
in hunc nimirum sensum.

2. Petr. 2. Hæc vestra religio est, in qua homines DEum offendunt, in qua  
post carnem in concupiscentia immunditie ambulantes, sectas non metuentes  
introducere blasphemantes. Hæc vestra religio est, in qua Pseudo Apo-  
stoli sunt operarii subdoli, transfigurantes se in Apostolos CHRISTI. Hæc  
Actor. 18. vestra religio est, de qua intraverunt lupi rapaces, non parcentes gregi,  
de qua surrexerunt viri, loquentes perversa, ut abducant discipulos  
2. Petr. 2. post se. Hæc vestra religio est, de qua Pseudopropheta in populo  
surrexerunt, Magistri mendaces, qui introducunt sectas portionis, &  
multi sequuntur eorum luxurias, per quos via veritatis blasphematur.  
2. Tim. 3. Hæc vestra religio est, de qua sunt homines seipsos amantes, cupidi,  
clati, superbi, blasphemæ, parentibus non obedientes, ingrati, scelesti,  
sine affectione, sine pace, criminatores, incontinentes, immites, sine be-  
nignitate, proditores, protervi, tumidi, & voluptatum amatores, ma-  
gis quam DEI, habentes speciem quidem pietatis, virtutem autem ejus  
abnegantes. Hæc vestra religio est, in qua omnes simulantes fidem  
non subditi sunt fidei, sed, fidem potius constituunt, quam accipiunt,  
sensu humane inanitatis inflati, dum qua volunt sapiunt, & nolunt qua  
recta sunt.

Pro hac ne fide, petis juvamen DEI, ut firmissima sis  
& permanas? Tene, igitur, quod habes, ne alius tibi coronam ac-  
cipiat.

Fidelis



# Fidelis Admonitionis

## C A P. V.

Solatur suos charissimos Fratres in perfectionibus.



*Consolamini, ergo, consolamini, popule meus:*

*O socij (neq; enim ignari sumus ante malorum)*

*O passigrauiora, dabit D E U S his quoq; finem.*

*Isai. 40.*

*Virgil. 1.*

*Ruzi.*

Ne amplius tædiosum videar tenere Lectorem, finem huius operis instituo, neq; enim illi Sarcasmi in *Fideli Admonitione* consenti, responsionem merentur.

Hæc igitur sunt, quæ breuiter inculcare Christiano Lectori volui, ut non audiat eos: qui ultro à Patrum communionem, simul & ab Ecclesia, (quam Paulus columnam & firmamentum veritatis vocat) discesserunt, sed ut firmiter ei, per veram veræ fidei ancoram adhæreat: neq; enim periculum est, ut Ecclesia, quæ quantum ad fidei veritatem attinet, Spiritu Sancto regitur, à seipsa discedat, quanquam ab ea recesserint alij. Cæterum,

qui recedunt, à veritate recedunt; atq; hi sunt, quos velut pestilentes, & perniciosos,

D. Paulus auersari jubet.

### FINIS.

Ad maiorem DEI gloriam  
& Sanctæ fidei Catholicæ propagationem.



## Errata corrigenda.

### *In I. Parte.*

- Cap. 2. fol. 2. v. 7. jungandi, lege, jurgandi.  
Cap. 4. fol. 2. v. penultimo anxiz, lege anxie.  
Cap. 5. fol. 3. v. 13. respicere, lege, respuere.  
Ibidem v. 17. totias, lege, totius.  
fol. 4. v. 6. suadentium, lege, succedentium.  
ibidem v. 18. primo, lege, primus.  
ibidem v. ultimo recensui, lege, recensui.  
fol. 5. v. 24. Afriam, lege, Africam.  
Cap. 6. fol. 4. v. 30. li, lege, hi.  
fol. 5. v. 31. lachrymis, lege, lachrymosis.  
fol. 6. v. 17. fidem, lege, fidem.  
fol. 7. v. 19. Nol, lege, Non.  
Cap. 7. fol. 2. v. 1. luituros, lege, luituros.  
fol. 3. v. 7. defuncti, lege, defunctis.  
Ib. v. 18. Satisfactorii, tantum, lege, Satisfactorii tantum.  
Cap. 8. fol. 3. v. 3. dicatq; , lege, dixitq; .  
fol. 3. v. 8. Sunt, lege, sicut.  
ibid. v. 20. concecisse, lege, concessisse.

### *In II. Parte.*

- fol. 1. v. 14. timorem, lege, timore.  
fol. 2. v. 28. conciat, lege, concutiat.  
Cap. 1. fol. 1. v. 16. fastinandum, lege, festinandum.

